

經  
621  
828



月令輯要

卷首圖說  
卷一歲令上



月令輯要  
十一冊



御製月令輯要序



古者於明堂之中施十  
二月之令本堯典授時  
之意而推廣之今所傳  
大戴禮夏小正篇小戴

禮月令篇三代之遺文  
大略可見矣月令雖出  
呂覽而蔡邕次其章句  
孔穎達定其正義推明  
周公品制列之於經漢

晉而下若四民月令四  
時纂要以及千金錦帶  
歲華紀麗歲時雜記諸  
書代有撰述未睹駭備  
前明之季馮應京戴任



始輯月令廣義二十四  
卷為士庶通用觀其原  
本經訓推行義類用意  
亦云勤矣願其採撫既  
多蕪累間出爰命儒臣

重加編輯次第呈覽親  
為裁定正譌芟復一歸  
雅馴別起義例補所未  
備博觀約取務合於體  
要而切於實用庶幾古



者明堂月令之遺式矣  
書成名曰月令輯要舊  
本圖說并為釐正列諸  
卷端因天時而課治功  
察物候以盡人事自國

家政典下逮氓庶作息  
均可參驗而閱覽博物  
之學亦於是乎有取焉  
由今而後言紀時之書  
者其必以此為權輿也

夫

康熙五十四年四月初九日

勅敬書

日講官起居注翰林院侍講學士加三級臣陳邦彥奉

旨開載月令輯要閱纂校對監造官員職名



康熙五十五年三月二十九日奉

總閱

文淵閣大學士兼吏部尚書加三級 臣 李光地

經筵講官文淵閣大學士兼禮部尚書加七級 臣 王 掞

校勘官

日講官起居詹事府少詹事兼翰林院侍講學士加級 臣 蔣廷錫



日講官起居注翰林院侍講學士加一級臣勵廷儀

日講官起居注翰林院侍講學士加一級臣張廷玉

日講官起居注翰林院侍講學士加一級臣陳邦彥

日講官起居注翰林院侍讀加一級臣趙熊詔

候補翰林院侍講臣楊名時

右春坊右中允兼翰林院編修加一級臣王圖炳

翰林院檢討加一級臣張照

翰林院編修加一級臣薄海

纂修官

原任日講官起居注左春坊左諭德兼翰林院編修加一級臣吳廷楨

國子監司業加一級臣盧軒

翰林院侍講加一級臣吳士玉

翰林院編修加一級臣周夔

提督四川學政翰林院編修加一級臣廖賡謨

翰林院編修加一級臣楊開沅

翰林院編修加一級臣宮鴻曆

翰林院編修加一級臣楊士嶽

原任翰林院編修臣汪灝

翰林院待詔臣高不騫

原任蘇州府知府臣陳鵬年

分纂官生

內閣中書舍人臣覺羅吳拜

內閣中書舍人臣吳玉崙

廣西桂林府靈川縣知縣臣樓儼

進士候選知縣臣徐啓統

進士候選知縣臣遲之金

進士候選知縣臣李登瀛

進士候選知縣臣甄之璜



進士候選知縣臣李祖望

進士候選知縣臣郁瑞

進士候選知縣臣崔楸

進士候選知縣臣劉正遠

進士候選知縣臣沈曾發

進士候選知縣臣倪見龍

進士候選知縣臣孫宗緒

進士候選知縣臣陳惠榮

進士候選知縣臣張坦

進士候選知縣臣汪櫛

進士候選知縣臣王鈞

進士候選知縣臣王箴輿

進士候選知縣臣張秉亮

候選知縣臣戴天瑞



候選知縣臣孫天霖

舉人臣于枋

候選州同臣鄒家龍

候選州同臣杜庭珠

候選州同臣楊儒臣

原候選州同臣吳廷元

監生臣文永豐

生員臣嚴文照

校對官生

原任翰林院編修臣何焯

留京食俸知縣臣鄒元斗

福建建寧府浦城縣知縣臣徐球

候選知縣臣沈元滄

舉人臣張廷璐

舉 人 臣 程 鵬

候 選 州 同 知 臣 查 廣

監造官

武英殿總監造兼佐領 臣 張常住

武英殿總監造 臣 李國屏

武英殿總監造內務府會計司員外郎 臣 伊都立

武英殿監造兼驍騎校 臣 巴 實

武英殿監造 臣 關 保

武英殿監造 臣 神 保

月令輯要目錄

卷首

圖說

計十  
八圖

卷一

歲令上

天道  
民用

政典

卷二

歲令下

物候  
雜紀

占驗



卷三

每月令

天道  
物候

日次  
占驗

政典  
雜紀

民用

卷四

春令

天道  
物候

政典  
占驗

民用  
雜紀

卷五

正月令

天道  
民用

節序  
物候

日次  
占驗

政典  
雜紀

卷六

二月令

天道  
民用

節序  
物候

日次  
占驗

政典  
雜紀

卷七

三月令

天道  
民用

節序  
物候

日次  
占驗

政典  
雜紀

卷八

夏令

天道  
物候

政典  
占驗

民用  
雜紀

卷九

四月令

天道  
民用

節序  
物候

日次  
占驗

政典  
雜紀

卷十

五月令

天道  
民用

節序  
物候

日次  
占驗

政典  
雜紀

卷十一

六月令

天道  
民用

節序  
物候

日次  
占驗

政典  
雜紀

卷十二

土王令

天道  
物候

政典  
占驗

民用  
雜紀

卷十三

月令輯要

三

卷十四

秋令

天道  
物候

政典  
占驗

民用  
雜紀

卷十五

七月令

天道  
民用

節序  
物候

日次  
占驗

政典  
雜紀

卷十六

八月令

天道  
民用

節序  
物候

日次  
占驗

政典  
雜紀

九月令

天道  
民用

節序  
物候

日次  
占驗

政典  
雜紀

月令輯要

三



卷十七

冬令

天道  
物候

政典  
占驗

民用  
雜紀

卷十八

十月令

天道  
民用

節序  
物候

日次  
占驗

政典  
雜紀

卷十九

十一月令

天道  
民用

節序  
物候

日次  
占驗

政典  
雜紀

卷二十

十二月令

天道  
民用

節序  
物候

日次  
占驗

政典  
雜紀

卷二十一

閏月令

天道  
民用

節序  
物候

月次  
占驗

政典  
雜紀

卷二十二

晝夜令上

天道  
物候

政典  
占驗

民用

卷二十三

晝夜令下

雜紀

卷二十四

時刻令

天道	政典	民用
物候	占驗	雜紀

月令輯要卷首

圖說

太極兩儀四象八卦圖

先天六十四卦分二十四氣圖

十二卦氣分應十二月圖

五行分王四時圖

十二月日躔月建二十四氣七十二候圖



月令輯要卷首  
黃赤交道全圖

春分正視之圖

秋分正視之圖

日行南北陸分晝永晝短圖

日月五星周天圖

月朔望上下弦圖

十二律呂協應十二月圖

五聲八音協八方八風圖

太歲天干釋名圖

太歲地支釋名圖

月建天干釋名圖

月建地支釋名圖

月令主屬全名圖

太極兩儀四象八卦圖



乾 兌 離 震 巽 坎 艮 坤

太 陽 少 陰 少 陽 太 陰

陰 陽

太極



月令輯要 卷首 圖說




周易繫辭傳曰易有太極是生兩儀兩儀生四象四象生八卦周子曰無極而太極太極動而生陽動極而靜靜而生陰靜極復動一動一靜互為其根分陰分陽兩儀立焉邵子曰太極既分兩儀立矣陽下交於陰陰上交於陽四象生矣陽交於陰陰交於陽而生天之四象剛交於柔柔交於剛而生地之四象於是八卦成矣八卦相錯然後萬物生焉是故一分為二二分為四四分為八朱子曰太極者象數未形而其理已具之稱形器已具而其理無朕之目在河圖洛書皆虛中之象也太極之上始生一奇一偶而為一畫者二是為兩儀其數則陽一而陰二在河圖洛書則奇偶是也兩儀之上各生一奇一偶而為二畫者四是為四象其位則太陽一少陰二少陽三太陰四其數則太

陽九少陰八少陽七太陰六以河圖言之則六者一而得於五者也七者二而得於五者也八者三而得於五者也九者四而得於五者也以洛書言之則九者十分一之餘也八者十分二之餘也七者十分三之餘也六者十分四之餘也四象之上各分一奇一偶而為三畫者八於是三才略具而有八卦之名矣



先天六十四卦分二十四氣圖




易曰天地定位  
 山澤通氣雷風  
 相薄水火不相  
 射八卦相錯數  
 往者順知來者  
 逆是故易逆數  
 也邵子曰此  
 一節明伏羲  
 八卦也八卦  
 相錯者明交  
 相錯而成六  
 十四也數往  
 者順若順天  
 而行是左旋

也皆已生之卦也故云已往也知來者逆若逆天  
 而行是右行也皆未生之卦也故曰知來也西  
 山蔡氏曰六十四卦圓布者乾盡午中坤盡子中  
 離盡卯中坎盡酉中陽生於子中極於午中陰生  
 於午中極於子中玉溪胡氏曰嘗因邵子子半  
 之說推之以卦分配節候復為冬至子之半頤屯  
 益為小寒丑之初震噬嗑隨為大寒丑之半无妄  
 明夷為立春寅之初賁既濟家人為雨水寅之半  
 豐離革為驚蟄卯之初同人臨為春分卯之半損  
 節中孚為清明辰之初歸妹睽兌為穀雨辰之半  
 履泰為立夏巳之初大畜需小畜為小滿巳之半  
 大壯大有夬為芒種午之初至乾之末交夏至午  
 之半焉此三十二卦皆進而得夫震離兌乾已生  
 之卦也姤為夏至午之半大過鼎恒為小暑未之



二十卦氣分應二十月圖



易臨象辭臨元  
亨利貞至於八  
月有凶朱子

本義二陽浸  
長以逼於陰

故為臨十二

月之卦也八

月於卦為觀

臨之反對也

復象辭反復其

道七日來復象

傳先王以至日

閉關疏五月

一陰生十一


初巽井蠱為大暑未之半升訟為立秋申之初困  
未濟解為處暑申之半渙坎蒙為白露酉之初師  
遯為秋分酉之半咸旅小過為寒露戌之初漸蹇  
艮為霜降戌之半謙否為立冬亥之初萃晉豫為  
小雪亥之半觀比剝為大雪子之初至坤之末交  
冬至子之半焉此三十二卦皆進而得夫巽坎艮  
坤未生之卦也二分二至四立總為八節每節各  
計兩卦如坤復為冬至无妄明夷為立春同人臨  
為春分之類是也如十六氣每氣各計三卦如頤  
屯益為小寒至觀比剝為大雪之類是也八節計  
十六卦十六氣計四十八卦此以卦配氣者然也

月一陽生 本義剝盡則為純坤十月之卦而陽  
 氣已生於下矣積之踰月然後一陽之體始成而  
 來復故十有一月其卦為復又自五月一陰始生  
 至此七爻一陽來復乃天運之自然也 本義泰  
 正月之卦也大壯二月之卦也夬三月之卦也一  
 變則為純乾遯六月之卦也否七月之卦也觀八  
 月之卦也剝九月之卦也 朱子曰以十二卦配  
 十二月也自齊整復卦是震在坤下陽臨是兌在  
 坤下陽泰是乾在坤下陽大壯是震在乾上陽夬  
 是兌在乾上陽乾是乾在乾上陽姤是乾在巽上  
 陰遯是乾在艮上陰否是乾在坤上陰觀是巽在  
 坤上陰剝是艮在坤上陰坤是坤在坤上陰又  
 日論十二卦則陽始於子而終於巳陰始於午而  
 終於亥論四時之氣則陽始於寅而終於未陰始

於申而終於丑此二說者雖若小差而所爭不過  
 二位蓋子位一陽雖生而未出乎地至寅位泰卦  
 則三陽之生方出地上而溫厚之氣從此始焉巳  
 位乾卦六陽雖極而溫厚之氣未終故午位一陰  
 雖生而未害於陽必至未位遯卦而後溫厚之氣  
 始盡也其午位陰巳生而嚴凝之氣及申方始亥  
 位六陰雖極而嚴凝之氣至丑方盡蓋地中之氣  
 難見而地上之氣易識故周人以建子為正雖得  
 天統而孔子之論為邦乃以夏時為正蓋取其陰  
 陽始終之著明也按圖以推其說可見



五行分王四時圖




洪範一五行一  
 曰水二曰火三  
 曰木四曰金五  
 曰土  
 禮運曰播五行  
 於四時月令立  
 春盛德在木立  
 夏盛德在火中  
 央土立秋盛德  
 在金立冬盛德  
 在水  
 子曰家語孔  
 行木火金水  
 及土分時化

育以成萬物 董子春秋繁露木居東方而主春  
 氣火居南方而主夏氣金居西方而主秋氣水居  
 北方而主冬氣土居中央故五行而四時者土兼  
 之也 周子曰陽變陰合而生水火木金土五氣  
 順布四時行焉 朱子曰陽變陰合而生水火木  
 金土水陰盛故居右火陽盛故居左木陽稗故次  
 火金陰稗故次水土冲氣故居中水而木木而火  
 火而土土而金金而復水如環無端五氣布四時  
 行也又曰以質而語其生之序則曰水火木金土  
 而水木陽也火金陰也以氣而語其行之序則曰  
 木火土金水而木火陽也金水陰也



二十日月躔建二十四氣二十七候圖



禮記月令孟春之月日在營室仲春之月日在奎季春之月日在胃孟夏之月日在畢仲夏之月日在東井季夏之月日在柳孟秋之月日在翼仲秋之月日在角季秋之月日在房孟冬之月日在尾仲冬之月日在斗季

冬之月日在婺女 註日月之行一歲十二會聖王

因其會而分之以為大數焉觀斗所建命其四時

孟春日月會於娵訾而斗建寅之辰仲春日月會

於降婁而斗建卯之辰季春日月會於大梁而斗

建辰之辰孟夏日月會於實沈而斗建巳之辰仲

夏日月會於鶉首而斗建午之辰季夏日月會於

鶉火而斗建未之辰孟秋日月會於鶉尾而斗建

申之辰仲秋日月會於壽星而斗建酉之辰季秋

日月會於大火而斗建戌之辰孟冬日月會於析

木之津而斗建亥之辰仲冬日月會於星紀而斗

建子之辰季冬日月會於元枵而斗建丑之辰

疏凡二十四氣每三分之為七十二氣氣開五日

有餘故一年有七十二候也 周禮疏日一年之


內有二十四氣正月立春節雨水中二月啓蟄節



春分中三月清明節穀雨中四月立夏節小滿中  
 五月芒種節夏至中六月小暑節大暑中七月立  
 秋節處暑中八月白露節秋分中九月寒露節霜  
 降中十月立冬節小雪中十一月大雪節冬至中  
 十二月小寒節大寒中  
 月令孟春之月東風解凍蟄蟲始振魚上冰獺祭魚  
 鴻雁來草木萌動仲春之月始雨水桃始華倉庚鳴  
 鷹化為鳩元鳥至雷乃發聲始電蟄蟲咸動季春之  
 月桐始華田鼠化為鴽虹始見萍始生鳴鳩拂其羽  
 戴勝降于桑孟夏之月螻蟈鳴蚯蚓出王瓜生苦菜  
 秀靡草死麥秋至仲夏之月小暑至螳螂生鳴始鳴  
 反舌無聲鹿角解蟬始鳴半夏生木堇榮季夏之月  
 溫風始至蟋蟀居壁鷹乃學習腐草為螢土潤溽暑  
 孟秋之月涼風至白露降寒蟬鳴鷹乃祭鳥仲秋之


月盲風至鴻雁來元鳥歸羣鳥養羞雷始收聲蟄蟲  
 坏戶水始涸季秋之月鴻雁來賓爵入大水為蛤菊  
 有黃華豺乃祭獸戮禽霜始降草木黃落蟄蟲咸俯  
 孟冬之月水始冰地始凍雉入大水為蜃虹藏不見  
 仲冬之月冰益壯地始坼鶡旦不鳴虎始交芸始生  
 荔挺生蚯蚓結麋角解水泉動季冬之月雁北嚮鵲  
 始巢雉雊雞乳征鳥厲疾水澤腹堅  
 於汲冢周書與月令微異  
 圖據時憲曆本

圖全道交赤黃



堯典寅賓出日  
 平秩東作日中  
 星鳥以殷仲春  
 平秩南訛敬致  
 日永星火以正  
 仲夏  
 寅饑納日平秩  
 西成宵中星虛  
 以殷仲秋  
 平在朔易日短  
 星昴以正仲冬  
 爾雅北極北辰  
 也  
 冬至則斗北


圖之視正分春



中繩陰氣極  
 陽氣萌日夏  
 至則斗南中  
 繩陽氣極陰  
 氣萌陰氣極  
 則北至北極  
 陽氣極則南  
 至南極尚  
 書疏天之形  
 狀似鳥卵地  
 居其中天包  
 地外猶卵之  
 裏黃圓如彈  
 丸  
 爾雅釋




秋分正視之圖



天疏天之體  
雖繞於地  
則中央正平  
天則北高南  
下北極高於  
地三十六度  
南極下於地  
三十六度然  
則北極之下  
三十六度常  
見不沒南極  
之上三十六  
度常沒不見  
北極下各隨

地勢此三十六度乃周時都若以南北中半言之  
謂之赤道此是春秋分之日道赤道之北為夏至  
之日道赤道之南為冬至之日道周禮春官註  
黃道占日天道有三黃道者日月五星所乘王  
朴曆奏赤道者天之紘帶也其勢圓而平紀宿度  
之常數焉黃道者日軌也半在赤道內半在赤道  
外去極遠二十四度當與赤道近則其勢斜當與  
赤道遠則其勢直斜則日行宜遲直則日行宜速  
故二分前後如其度二至前後減其度

圖短晝永晝分陸北南行日



周禮土方氏掌  
 土圭之法以致  
 日景 註冬至  
 日極短夏至  
 日極長其極  
 長極短之間  
 冬至後日漸  
 長夏至後日  
 漸短  
 春秋傳古者日  
 在北陸而藏冰  
 在西陸朝覲而  
 出  
 後漢曆志  
 晦朔合離斗


建移辰謂之日月之行則有冬有夏冬夏之間則  
 有春有秋是故日行北陸謂之夏西陸謂之春南  
 陸謂之冬東陸謂之秋 邵子曰冬至之子中陰  
 之極春分之卯中陽之中夏至之午中陽之極秋  
 分之酉中陰之中凡三百六十中分之則一百八  
 十此二至二分相去之數也 又日日行陽度則  
 贏行陰度則縮



太陽之精順天左旋  
天行一日常週一周  
而過一度日一日一  
周不及天一度積三  
百六十五日四分日  
之二而與天會

日月五星周天圖

太陰之精亦順天左旋  
一日常不及天十三度  
有奇不及日十二度有  
奇積二十七有奇而  
與天會積二十九日有  
奇而與日會



堯典曆象日月星辰敬授人時

昔三百有六旬有六日以閏月定四時成歲

舜典在璿璣玉衡以齊七政 疏七政謂日月五星

也木曰歲星火曰熒惑星土曰填星金曰太白星

水曰辰星 月令疏天是太虛本無形體但指諸

星運轉以為天耳諸星之轉從東而西必三百六

十五度四分日之一夜復舊處星既左轉日則右

行亦三百六十五日四分日之一至舊星之處即

以一日之行而為一度計二十八宿一周天凡三

百六十五度四分度之一是天之一周之數也又


日凡二十八宿及諸星皆循天左行一日一夜一

周天一周天之外更行一度計一年三百六十五

周天四分度之一日月五星則右行日一日一度

月一日一十三度十九分度之七此相通之數也

月朔望上下弦圖



禮運三五而盈 三五而闕 疏  
 日三五十五 日而得盈滿 又三五十五 日而得虧闕 也  
 尚書武成惟一 月壬辰旁死魄 又曰厥四月哉 生明又曰既生 魄召誥三月惟 丙午朏 註死 魄朔也月二

日故曰旁死魄哉始也始生明月三日也生魄望 後也朏月出也三日明生之名 月令疏月是陰 精日為陽精故周髀云日猶火月猶水水火則外光 水則含景故月光生於日所照魄生於日所蔽當 日則光盈就日則明盡京房云月與星辰陰者也 有形無光日照之乃有光日似彈丸月似鏡體或 以為月亦似彈丸日照處則明不照處則闕 釋 名晦灰也火死為灰月光盡似之也朔蘇也月死 復蘇生也弦月半之名也其形一旁曲一旁直若 張弓施弦也望月滿之名也月大十六日月小十 五日日在東月在西遙相望也 說文朏未盛之 明晦而月見西方謂之朏朔而月見東方謂之縮 朏 隋志月者陰之精也其形圓其質清日光照 之則見其明日光所不照則謂之魄故月望之日



日月相望人居其間盡視其明故形圓也二弦之日日照其側人觀其傍故半明半魄也晦朔之日日照其表人在其裏故不見也

二十律呂協應二十月圖




禮記月令孟春  
 之月律中太簇  
 仲春之月律中  
 夾鍾季春之月  
 律中姑洗孟夏  
 之月律中中呂  
 仲夏之月律中  
 蕤賓季夏之月  
 律中林鍾中央  
 土律中黃鍾之  
 宮孟秋之月律  
 中夷則仲秋之  
 月律中南呂季  
 秋之月律中無

月令輯要 卷首 圖說

射孟冬之月律中應鍾仲冬之月律中黃鍾季冬之月律中大呂周禮大師掌六律六同以合陰陽之聲陽聲黃鍾太簇姑洗蕤賓夷則無射陰聲大呂應鍾南呂函鍾小呂夾鍾

五聲八音八協八方風圖



樂記八風從律而不姦疏八

風八方之風也律十二月之律也樂音之律也樂音象八風樂得其度故八風十二月律應八節而至不為姦慝也距冬至四十五日條風至條者生也四十五日明庶風

月令章句卷之四 圖說

三




至明庶者迎衆也四十五日清明風至清明者芒也四十五日景風至景者大也言陽氣長養也四十五日涼風至涼寒也陰氣行也四十五日閭闔風至閭闔者咸收藏也四十五日不周風至不周者不交也言陰陽未合化矣四十五日廣莫風至廣莫者大莫也開陽氣也

左傳夫舞所以節八音而行八風 註八音金鐘石磬絲琴瑟竹簫管土埴木祝敔匏笙革鼓也八方之風謂東北條風東方谷風東南清明風南方凱風西南涼風西方閭闔風西北不周風北方廣莫風 周禮天官註宮數八十一配中央土商數七十二配西方金角數六十四配東方木徵數五十四配南方火羽數四十八配北方水 淮南子曰巨東北曰炎風東方曰條風東南曰景風南方曰巨

風西南曰涼風西方曰颺風西北曰麗風北方曰寒風 白虎通曰壘坎音也管艮音也鼓震音也絃離音也鐘兌音也祝敔乾音也 鄭樵通志曰乾之音石其風不周坎之音革其風廣莫艮之音匏其風融震之音竹其風明庶巽之音木其風清明離之音絲其風景坤之音土其風涼兌之音金其風閭闔

圖名釋干天歲太



爾雅太歲在甲  
日闕逢在乙日  
旃蒙在丙日柔  
兆在丁日疆圉  
在戊日著雍在  
己日屠維在庚  
日上章在辛日  
重光在壬日元  
默在癸日昭陽  
太歲在寅日攝  
提格在卯日單  
闕在辰日執徐  
在巳日大荒落  
在午日敦牂在

圖名釋支地歲太




未日協洽在申  
日涪灘在酉日  
作噩在戌日闔  
茂在亥日大淵  
獻在子曰困敦  
在丑日赤奮若  
疏此別太歲  
在日在辰之  
名也甲至癸  
為十日日為  
陽寅至丑為  
十二辰辰為  
陰按漢書律  
歷志云迺以




前曆上元泰初四千六百二十七歲至於元封七年復得闕逢攝提格之歲言復得者上元泰初時亦是闕逢之歲歲在甲日闕逢在寅日攝提格此謂甲寅之歲也然則乙卯之歲日旃蒙單闕丙辰之歲日柔兆執徐丁巳之歲日彊圉大荒落戊午之歲日著雍敦牂己未之歲日屠維協洽庚申之歲日上章涖灘辛酉之歲日重光作噩壬戌之歲日元默闡茂癸亥之歲日昭陽大淵獻甲子之歲日闕逢困敦乙丑之歲日旃蒙赤奮若以此推之周而復始可知

月建天干釋名圖



爾雅月在甲日  
畢在乙日橘在  
丙日修在丁日  
圍在戊日厲在  
巳日則在庚日  
室在辛日塞在  
壬日終在癸日  
極正月為陬二  
月為如三月為  
病四月為余五  
月為臯六月為  
且七月為相八  
月為壯九月為  
元十月為陽十

月建地支釋名圖



一月為塗註此  
 月為塗註此  
 辨以日配月  
 之名也設若  
 正月得甲則  
 日畢陬二月  
 得乙則曰橘  
 如三月得丙  
 則曰修病四  
 月得丁則曰  
 圍余五月得  
 戊則曰厲臯  
 六月得巳則  
 日則且七月

得庚則曰室相八月得辛則曰塞壯九月得壬則  
 日終元十月得癸則曰極陽十一月得甲則曰畢  
 辜十二月得乙則曰橘涂周而復始亦可知也



月令主屬全名圖



孟春之月其日  
甲乙其帝太皞  
其神句芒其蟲  
鱗其音角律中  
太蔟其數八其  
味酸其臭羶其  
祀戶祭先脾仲  
春之月其日甲  
乙其帝太皞其  
神句芒其蟲鱗  
其音角律中夾  
鍾其數八其味  
酸其臭羶其祀  
戶祭先脾季春

之月其日甲乙其帝太皞其神句芒其蟲鱗其音角  
律中姑洗其數八其味酸其臭羶其祀戶祭先脾孟  
夏之月其日丙丁其帝炎帝其神祝融其蟲羽其音  
徵律中中呂其數七其味苦其臭焦其祀竈祭先肺  
仲夏之月其日丙丁其帝炎帝其神祝融其蟲羽其  
音徵律中蕤賓其數七其味苦其臭焦其祀竈祭先  
肺季夏之月其日丙丁其帝炎帝其神祝融其蟲羽  
其音徵律中林鍾其數七其味苦其臭焦其祀竈祭  
先肺中央土其日戊己其帝黃帝其神后土其蟲倮  
其音宮律中黃鍾之宮其數五其味甘其臭香其祀  
中霤祭先心孟秋之月其日庚辛其帝少皞其神蓐  
收其蟲毛其音商律中夷則其數九其味辛其臭腥  
其祀門祭先肝仲秋之月其日庚辛其帝少皞其神  
蓐收其蟲毛其音商律中南呂其數九其味辛其臭



腥其祀門祭先肝季秋之月其日庚辛其帝少暉其  
神蓐收其蟲毛其音商律中無射其數九其味辛其  
臭腥其祀門祭先肝孟冬之月其日壬癸其帝顓頊  
其神元冥其蟲介其音羽律中應鍾其數六其味鹹  
其臭朽其祀行祭先腎仲冬之月其日壬癸其帝顓  
頊其神元冥其蟲介其音羽律中黃鍾其數六其味  
鹹其臭朽其祀行祭先腎季冬之月其日壬癸其帝  
顓頊其神元冥其蟲介其音羽律中大呂其數六其  
味鹹其臭朽其祀行祭先腎

# 月令輯要卷一

## 歲令上

### 天道

元亨利貞

**增**易元者善之長也亨者嘉之會也利者

時配春春為發生故下云體仁仁則春也亨是通暢  
萬物於時配夏故下云合禮禮則夏也利為和義於  
時配秋秋既物成各合其宜貞為事  
幹於時配冬冬既收藏事皆幹了

四時不忒

**增**

易

天地以順動故日月不過而四時不  
忒天地以順而動則日月不有過差依



其暑度四時不有  
忒變寒暑以時

### 七日來復

**增**易七日來復漢上朱氏易解陽生於子  
陰生於午自午至子七而必復乾坤消息

之理也故以一日言之自午時至夜半復得子時以  
一年言之自五月至十一月復得子月以一月言之  
自午日凡七日復得子日以一紀言之自午歲凡七  
歲復得子歲故六十卦當三百六十日而兩卦相去  
皆以  
七日

### 變化久成

**增**易四時變化而能久成疏四時更  
代寒暑相變所以能久生成萬物

### 天地相革

**增**易天地革而四時成漢上朱氏易解乾  
始於坎而終於離坤始於離而終於坎乾

終而坤革之地革天也陽極生陰乃為寒坤終而乾  
革之天革地也陰極生陽乃為暑天地相革寒暑相  
成是亦水火相息也坎冬離夏震春  
兌秋四時也故曰天地革而四時成

### 與時消息

**增**易天地盈虛與時消息疏天之寒暑往  
來地之陵谷遷貿盈則與時而息虛則與

時而  
消

### 四時變通

**原**易變通配四時又  
變通莫大乎四時

### 寒暑相推

**原**易寒往則暑來暑往則寒來寒暑相推  
而歲成焉**增**白虎通夏至陰始起陽氣推

而上故大熱也冬至陽始  
起陰氣推而上故大寒也



大衍之數

**增**易大衍之數五十其用四十有九疏京

凡五十其一不用者天之生氣將欲以虛來實故用四十九焉馬季長云易有太極謂北辰也太極生兩儀兩儀生日月日月生四時四時生五行五行生十二月十二月生二十四氣北辰居位不動其餘四十九轉運而用也鄭康成云天地之數五十有五以五行氣通凡五行減五大衍又減一故四十九也

乾策坤策

**增**易乾之策二百一十有六坤之策百四十有六凡三百有六十當期之日

運行寒暑

**增**易鼓之以雷霆潤之以風雨日月運行一寒一暑疏鼓動之以震雷離電滋潤之

以巽風坎雨離日坎月運動而行一節為寒一節為暑

五行

**原**書一五行一曰水二曰火三曰木四曰金五曰土疏易繫辭曰天一地二天三地四天五地

六天七地八天九地十此即五行生成之數天一生水地二生火天三生木地四生金天五生土此其生數也如此則陽無匹陰無偶故地六成水天七成火地八成木天九成金地十成土於是陰陽各有匹偶而物得成焉故謂之成數也又數之所起起於陰陽陰陽往來在於日道十一月冬至日南極陽來而陰往冬水位也以一陽生為水數五月夏至日北極陰進而陽退夏火位也當以一陰生為火數但陰不名奇數必以偶故以六月二陰生為火數也冬至以及於夏至當為陽來正月為春木位也三陽已生故三為木數夏至以及冬至當為陰進八月為秋金位也四陰已生故四為金數三月春之季四季土位也五



陽已生故五為土數此其生數之由也又萬物成形以微著為漸五行先後亦以微著為次五行之體水最微為一火漸著為二木形實為三金體固為四土質大為五水火木金得土數而成故水成數六火成數七木成數八金成數九土成數十

**五紀**原書四五紀一日歲二日月三日日四日星辰五日曆數疏五紀者五事為天時之經紀也一日歲從冬至以及明年冬至為一歲所以紀四時也二日月從朔至晦大月三十日小月二十九日所以紀一月也三日日從夜半以至明日夜半周十二辰為一日所以紀一日也四日星辰星謂二十八宿昏明迭見辰謂日月別行會於宿度從子至於亥為十二辰星以紀節氣早晚辰以紀日月所會處也五日

曆數算日月行道所歷計氣朔早晚之數所以為一歲之曆凡此五者皆所以紀天時故謂之五紀也

**日月冬夏**增書日月之行則有冬有夏蔡傳日極南

夏至南北中東至角西至婁則為春秋分月立春春分從青道立秋秋分從白道立冬冬至從黑道立夏夏至從赤道所謂日月之行則有冬有夏也

**二極赤道**原書日月之行疏周天三百六十五度四分度之一天體圓如彈丸北高南下北極

出地上三十六度南極入地下三十六度北極去南極直徑一百二十二度弱其依天體隆曲南極去北極一百八十二度強正當天之中央南北二極中等之處謂之赤道去南北極各九十一度春分日行赤



月令輯要卷一  
道從此漸北夏至行赤道之北二十四度去北極六十七度去南極一百一十五度日行黑道從夏至日以後日漸南至秋分還行赤道與春分同冬至行赤道之南二十四度去南極六十七度去北極一百一十五度其日之行處謂之黃道又有月行之道與日道相近交路而過半在日道之裏半在月道之表其當交則兩道相合交去極遠處兩道相去六度此其日月行道之大畧也

**暑雨祁寒**

**原書**夏暑雨小民惟日怨咨冬祁寒小民亦惟日怨咨**蔡傳**祁大也

**有年**

**增詩**自古有年**春秋**桓公三年有年**穀梁傳**五年穀皆熟為有年也**唐書太宗紀**貞觀二年以有

年賜酺三日

**豐年**

**增詩**豐年多黍多稌**又**綏萬邦屢豐年**漢書郊祀志**詔曰朕親飭躬齋戒親奉祀為百姓蒙嘉

氣獲豐年焉**元結**豐年歌猗大帝兮其功如天均四時兮成我豐年**范成大**詩豐年四海皆溫飽願把驪

心壽玉卮

**大有年**

**增春秋**宣公十有六年大有年**王維詩**四海方無事三秋大有年

**四時皆教**

**增禮**天有四時春秋冬夏風雨霜露無非教也

**還相為本**

**增禮**五行四時十二月還相為本也**疏**猶

以建卯之月為諸月之本是還迴迭相為本也

月令輯要

卷一

一歲令上

天道

五



四時方名

**增**禮東方者春春之為言蠢也產萬物者聖也南方者夏夏之為言假也養之長之

假之仁也西方者秋秋之為言愁也愁之以時察守義者也北方者冬冬之為言中也中者藏也

時和月生

**增**禮天秉陽垂日星地秉陰竅於山川播五行於四時和而後月生也是以三五而

盈三五

而闕

三月成時

**原**禮三月則成時是以禮有三讓建國必立三卿三賓者政教之本禮之大參也

**南子**天地三月而為一時故祭祀三飯以

為禮喪紀三踊以為節兵重三罕以為節

五行負戴

**增**禮五行運轉更相為始也**注**竭猶負戴也言五行運轉更相為始也**疏**物之在人上

謂之負戴氣之過去在上者其在下者亦負戴也春為木王負戴于水夏為火王負戴于木秋為金王負戴於火冬為水王負戴於金更相為始負戴前氣也

會天位

**原**周禮春官馮相氏馮相氏掌十有二歲十有二月十有二辰十有二辰十日二十有八星之位辨

其序事以會天位**註**會天位者合此歲日月星辰宿五者以為時事之候**增**學齋咄嗟若今曆日太歲在某日朔日

直某也

致日致月

**原**周禮春官馮相氏冬夏致日春秋致月以辨四時之序**註**冬至日在牽牛景丈三

尺夏至日在東井景尺五寸此長短之極極則氣至冬無憊陽夏無伏陰春分日在婁秋分日在角而月



弦於牽牛東井亦以其景知氣至不春夏秋冬夏氣皆至則是四時之叙正矣疏必冬夏致日春秋致月者以日者實也故於長短極時致之也月者闕也故於長短不極時致之也

**三易**原周禮春官大卜掌三易之法一曰連山二曰歸藏三曰周易疏周以十一月為正天統故以

乾為首殷以十二月為正地統故以坤為首夏以十月為首正人統人無為卦首之理艮漸正月故以艮為首也

**歲星跳辰**增周禮十有二歲疏太歲在地與天上歲星相應而行歲星為陽右行於天一歲移

一辰又分前辰為一百三十四分而侵一分則一百四十四年跳一辰十二辰匝則總有千七百二十八

年十二跳辰而以此而計之十二歲云小周謂一年移一辰故也千七百二十八年云大周十二跳而故也太歲左行於地一與歲星跳辰年數同此則服虔注春秋龍度天門是也以歲星本在東方謂之龍以辰為天門故以歲星跳辰為龍度天門也

**十二風**原周禮春官保章氏以十有二風察天地之

和命乖別之妖祥增易氏周禮解昔黃帝得嶰谷之管而神瞽為之制十二律以此候十二月之氣無非天地之中氣以此調十二月之聲無非天地之和聲是謂十有二風之占何謂十有二風良為條風從大呂太族之律震為明庶風從圜鍾之律巽為清明風從姑洗中呂之律離為景風從蕤賓之律坤為涼風從函鍾夷則之律兌為閭闔風從南呂之律



乾為不周風從無射應鍾之律坎為廣莫風從黃鍾之律

**四時天**原爾雅春為蒼天夏為昊天秋為旻天冬為上天增釋名春日蒼天陽氣始發色蒼蒼也

夏日昊天其氣布散皓皓也秋日旻天旻閔也物就枯落可閔傷也冬日上天其氣上騰與地絕也

**四時別號**增爾雅春為發生夏為長羸秋為收成冬為安寧疏此亦四時之別號

**玉燭**原爾雅四時和謂之玉燭疏四時和氣溫潤明照故曰玉燭人君德美如玉而明若燭德輝動

於內和氣應於外統而言之謂之玉燭增孔穎達春秋正義序四時序則玉燭調於上三才協則寶命昌

下於

**通正**原爾雅四時和為通正疏四時之功和是為通暢平正也

**年歲名**原爾雅夏日歲商曰祀周日年唐虞曰載疏別年歲之名也夏日歲取歲星行一次商曰祀取四時一終周日年取禾一熟唐虞曰載取物終

更始釋名歲越也越故限也年進也進而前也祀已也新氣生故氣已也

載載生生之年也

**期月**原論語苟有用我者期月而已可也註期月謂周一歲之月增左傳狄伐晉報采桑之役也復

期月註明期年之言唐書魏徵傳聖哲之治其應如響期月而可蓋不其難

**天時**增孟子天時不如地利註天時謂時日支干五行旺相孤虛之屬也疏五行金旺在巳午未申



酉木旺在亥子丑寅卯水旺在申酉戌亥子火旺在寅卯辰巳午土旺在申酉戌亥孤虛者以一畫為孤無畫為虛二畫為實以六十甲子日定東西南北四方然後占其孤虛實而向背之即知吉凶矣

**六物**原左傳六物不同歲時日月星辰是也疏四時一終日歲歲星行一次也時謂四時日謂十日

從甲至癸也月從正月至十二月也星二十八宿也辰謂日月所會一歲十二會從子至亥也

**旱不為災**增左傳僖公三年春不雨夏六月雨自十月不雨至於五月不日旱不為災也

**六氣**原左傳天有六氣降生五味發為五色徵為五聲淫生六疾六氣曰陰陽風雨晦明也分為四

時序為五節過則為菑陰淫寒疾陽淫熱疾風淫末疾雨淫腹疾晦淫惑疾明淫心疾註六氣之化分而

序之則成四時得五行之節寒過則為冷熱過則喘渴末四肢也晦夜也晏寢過節則心惑亂明晝也思慮煩多心勞生疾

**日月會辰**增左傳日月之會是謂辰故以配日疏日月會謂之辰者辰時也言日月聚會有時

也辰無常所分在十二以十幹配之夢溪筆談子丑至於戌亥謂之十二辰者一歲日月十二會於東方蒼龍角亢之舍起于辰故於所首者名之

**火中**增左傳火中寒暑乃退註火心星心以季夏昏中而暑退季冬旦中而寒退

**分至啟閉**原左傳凡分至啟閉必書雲物為備故也註分春秋分也至冬夏至也啟立春立夏



閉立秋立冬雲物氣色災變也素察妖祥逆為之備  
**增**汲古叢語分至啟閉順四時而成八節也以其得  
陰陽之中謂之分以其當寒暑之極謂之至以其生  
長謂之啟以其收藏謂之閉然則四孟啟閉者陰陽  
闔闢之初二至二分者陰陽老少之變也

**歲總成功****增**公羊春王正月疏四時皆於萬  
物有功歲者兼總其成功之稱也

**三合****原**穀梁傳獨陰不生獨陽不  
生獨天不生三合然後乃生

**分時化育****增**家語孔子曰丘聞諸老聃曰天有五行  
水火金木土分時化育以成萬物其神謂

之五帝註一歲三百六十日五行每行主七  
十二日化生長育一歲之功萬物莫不受成

**歲德****原**管子春羸育夏養長秋聚收冬閉藏大  
寒乃極國家乃昌四方乃服此謂歲德

**天不一時****原**管子歲有春夏秋冬夏月有上中下旬日  
有朝暮夜有昏晨半星辰序各有其司故

日天不  
一時

**生長收藏****增**管子春者陽氣始上故萬物生夏者陽  
氣畢上故萬物長秋者陰氣始下故萬物  
收冬者陰氣畢下故萬物藏故

春夏生長秋冬收藏四時之節

**陰陽不同氣****原**越絕書越王問陰陽之治不同力而  
功成不同氣而物生願聞其說范子曰

陰陽氣不同處萬物生焉冬三月之時草木既死萬  
物各異藏故陽氣避之下藏伏壯於內使陰陽得成



功於外夏三月盛暑之時萬物遂長陰氣避之  
下藏伏壯於內然而萬物親而信之是所謂也

**和炁生成**

**原**文子老子曰天地之炁莫大於和和者

成生與成必得和之精故積陰不生積陽不化陰陽交接乃能成和

**四時為馬**

**原**文子老子曰大丈夫恬然無思惔然無

慮以天為蓋以地為車以四時為馬以陰

**不違時**

**原**關尹子天不能冬蓮春菊是以聖人不違時

**四時常若**

**增**列子陰陽常調日月常明四時常若風雨常均字育常時年穀常豐

**天地本根**

**原**莊子天地有大美而不言四時有明法

而不議萬物有成理而不說聖人者原天地之美而達萬物之理是故至人無為大聖不作觀於天地之謂也陰陽四時運行各得其序萬物畜而

不知此之謂本根可以觀於天矣

**神功**

**原**荀子列星隨旋日月遞照四時代御陰陽大

化風雨博施萬物各得其和以生各得其養以成不見其事而見其功夫是之謂神

**雲作寒暑**

**原**荀子冬日作寒夏日作暑廣大精神請歸之雲

**八節**

**增**河圖始開圖伏羲氏仰觀天文俯察地理始畫八卦定天地之位分陰陽之數推列三光建



分八節以文應瑞凡二十四消息禍福以制吉凶周

髡算經註二至者寒暑之極二分者陰陽之和四立

者生長收藏之始是為八節原晉書藝文志炎帝分

八節以始農功增庾信咏畫屏風詩三春冠蓋聚八

節管絃遊李商隱詩四

時當首夏八節應條風

**時序**增尸子神農氏治天下立四時之序

增杜甫詩乾坤萬里眼時序百年心

**神雨**增尸子神農之理天下欲雨則雨五日為行雨

旬日為穀雨旬五日為時雨正四時之制萬物

咸利故

日神雨

**九紀**原逸周書九紀辰以紀日宿以紀月日以紀德

月以紀刑春以紀生夏以紀長秋以紀殺冬以

紀藏歲以紀終

**代序**原楚辭日月忽其不淹兮春與秋其代序增鹽

鐵論四時代序而人則其功星列於天而人象

其行阮籍詩天地網緼元精代序原張蘊古

大寶箴四時不言而代序萬物無為而化成

**緒風**原楚辭乘鄂渚而反顧兮

欵秋冬之緒風注緒餘也

**白露嚴霜**增楚辭秋既先戒以白露兮冬又申之以

嚴霜收恢台之孟夏兮然欲際而沈藏

**道御四時**原韓非子道者萬物之所然也天得之以

高地得之以藏維斗得之以成其威日月

得之以恒其光五常得之以常其位列星

得之以端其行四時得之以御其變氣



以信成物

**原**

呂氏春秋春之德風風不信其華不盛

土不肥土不肥則長遂不精秋之德雨雨不信其穀不堅穀不堅則五種不成冬之德寒寒不信其地不剛地不剛則凍閉不開天地之大四時之化而猶不能以不信成物又况乎人事

人氣

**增**

素問

正月二月天氣始方地氣始發人氣在肝三月四月天氣正方地氣定發人氣在脾五

月六月天氣盛地氣高人氣在頭七月八月陰氣始殺人氣在肺九月十月陰氣始冰地氣始閉人氣在心十一月十二月冰復地氣合人氣在腎

四時順經

**增**

尚書大傳俊乂百工相和而歌卿雲帝唱之八伯咸進稽首而和帝乃載歌曰日

月有常星辰有行四時順經萬姓允誠於論予樂配天之靈

帝車

**增**

史記

天官書北斗七星所謂璇璣玉衡以齊

運於中央臨制四鄉分陰陽建四時均五行移節度定諸紀皆繫於斗註杓北斗杓也龍角東方宿攜連也衡斗之中央殷中也

辰星分野

**增**

史記

天官書北方水太陰之精主冬日

四時仲春春分夕出郊奎婁胃東五舍為齊仲夏夏至夕出郊東井輿鬼柳東七舍為楚仲秋秋分夕出郊角亢氐房東四舍為漢仲冬冬至晨出郊東方與尾箕斗牽牛俱西為中國其出入常以辰戌丑未



九道原漢書天文志月有九行者黑道二出黃道北

黃道東增宋史天文志凡五緯皆隨日由黃道行惟

月之行有九道四時交會歸黃道而轉變焉故有青

黑白赤四

者之異名

五星增漢書天文志歲星曰東方春木於人五常仁

日西方秋金義也言也辰星曰南方夏火禮也視也太白

填星曰中央季夏土信也思心也仁義禮知以信為

主貌言視聽以心為正故四星皆

失填星廼為之動填星所居國吉

三律增漢書律歷志三統者天施地化人事之紀也

十一月乾之初九陽氣伏於地下始著為一萬

物萌動鍾於太陰故黃鍾為天統律長九寸九者所

以究極中和為萬物元也易曰立天之道曰陰與陽

六月坤之初六陰氣受任於太陽繼養化柔萬物生

長林之於未令種剛強大故林鍾為地統律長六寸

六者所以含陽之施林之於六合之內令剛柔有體

也立地之道曰柔與剛乾知大始坤作成物正月乾

之九三萬物棣通族出於寅人奉而成之仁以養之

義以行之令事物各得其理寅木也為仁其聲商也

為義故太蔟為人統律長八寸象八卦宓戲氏之所

以順天地通神明類萬物之情也立人之道曰仁與

義在天成象在地成形后以裁成天地之道輔相

天地之宜以左右民此三律之謂矣是為三統

黃鍾十二月增漢書律歷志黃鍾黃者中之色君之

服也鍾者種也天之中數五五為聲聲



上宮五聲莫大焉地之中數六六為律律有形有色  
色上黃五色莫盛焉故陽氣施種於黃泉孳萌萬物  
為六氣元也以黃色名元氣律者著宮聲也宮以九  
唱六變動不居周流六虛始於子在十一月大呂呂  
旅也言陰大旅助黃鍾宣氣而牙物也位於丑在十  
二月太族族奏也言陽氣大奏地而達物也位於寅  
在正月夾鍾言陰夾助太族宣四方之氣而出種物  
也位於卯在二月姑洗洗潔也言陽氣洗物辜潔之  
也位於辰在三月呂言微陰始起未成著於其中  
旅助姑洗宣氣齊物也位於巳在四月蕤賓蕤繼也  
賓導也言陽始導陰氣繼養物也位於午在五月林  
鍾林君也言陰氣受任助蕤賓君主種物使長大楹  
盛也位於未在六月夷則則法也言陽氣正法度而  
使陰氣夷當傷之物也位於申在七月南呂南任也

言陰氣旅助夷則任成萬物也位於酉在八月亡射  
射厭也言陽氣究物而使陰氣畢剝落之終而復始  
亡厭已也位於戌在九月應鍾言陰氣應亡  
射該藏萬物而雜陽闕種也位於亥在十月

**十干**

增漢書律曆志出甲於甲奮軋於乙明炳於丙

於辛懷任於壬陳癸於癸原淮南子天文訓注太歲  
在甲曰闕逢萬物鋒芒欲出擁遏未通也在乙曰旃  
蒙萬物過蒙甲而出也在丙曰柔兆萬物皆生枝布  
葉也在丁曰強圉萬物剛盛也在戊曰著離位在  
中央萬物繁養四方也在巳曰屠維屠別維離萬物各  
成其性也在庚曰上章陰氣上升萬物畢生也在辛  
曰重光萬物就成熟其煌煌也在壬曰元默歲終  
包任萬物也在癸曰昭陽陽氣始萌萬物食生也



# 十二支

**增**漢書律曆志 孳萌於子紐牙於丑引達於寅冒茹於卯振美於辰巳盛於巳罅布於午

**原**淮南子天文訓志 太歲在寅日攝提格格起萬物承陽而起也在卯日單闕單盡闕止陽氣推萬物而

起陰氣盡止也在辰日執徐執蟄徐舒伏蟄之物皆散舒而出也在巳日大荒落荒大也方萬物熾盛而

大出霍然落落大布散也在午日敦牂敦盛牂壯萬物皆盛壯也在未日協洽陰欲化萬物和合也在申

日涿灘涿大灘修萬物皆修其精氣也在酉日作鄂作鄂零落也萬物皆墜落也在戌日掩茂掩蔽茂冒

萬物皆蔽冒也在亥日大淵獻淵藏獻迎萬物終在亥大小深藏窟伏以迎陽也在子曰困敦困混敦沌

陽氣皆混沌萬物牙孽也在丑日赤奮若奮起若順

陽奮物而起無不順其性也赤陽色

# 陰陽中

**增**漢書律曆志 春為陽中萬物以生秋為陰中萬物以成

# 陽德陰刑

**增**漢書董仲舒傳 天道之大者在陰陽陽為德陰為刑刑主殺而德主生是故陽常

居大夏而以生育養長為事陰常居大冬而積於空虛不用之處以此見天之任德不任刑也

# 佐陽成歲

**原**漢書董仲舒傳 天使陽出布施於上而得陰之助亦不能獨成歲終

陽以成歲為名此天意也

# 統首

**原**漢書李尋傳 歲星主歲事為統首號令所紀 **增**又律曆志 孟仲季迭用事為統首



**五際**原漢書翼奉傳竊學齊詩聞五際之要注五際

酉之際為改正辰在天門出入候聽卯天保也酉祈

父也午采芑也亥大明也然則亥為革命一際也亥

又為天門出入候聽二際也卯為陰陽交際三際

也午為陽謝陰興四際也酉為陰盛陽微五際也

**天道神明**增淮南子天設日月列星辰調陰陽張四

濡之其生物也莫見其所養而物長其殺

物也莫見其所喪而物亡此之謂神明

**雷雨霜雪**增淮南子季春三月豐隆乃出以將其雨

靜居閉戶青女乃出以降霜雪行十二時之氣

以至於仲春二月之夕乃收其藏而閉其寒

**太歲正時**增淮南子地形之所載六合之間四極之

內昭之以日月經之以星辰紀之以四時

要之以太歲注要正也

以太歲所在正天時也

**刑德合門**增淮南子陰陽相德則刑德合門八月二

月陰陽氣均日夜分平故曰刑德合門德

南則生刑南則殺故曰二月會

而萬物生八月會而草木死

**人通於天**原淮南子蚊行喙息莫貴於人孔竅肢體

皆通於天天有九重人有九竅天有四時

以制十二月人有四肢以使十二節天有十二月

以制三百六十日人有十二肢以使三百六十節

**斗運四維**增淮南子帝張四維運之以斗月徙一辰

復反其所正月指寅十二月指丑一歲而



匠終而復始

**六度**原淮南子陰陽大制有六度天為繩地為準春為規夏為衡秋為矩冬為權繩者所以繩萬物也準者所以準萬物也規者所以圓萬物也衡者所以平萬物也矩者所以方萬物也權者所以權萬物也

增又明堂之制靜而法準動而法繩春治以規秋治以矩冬治以權夏治以衡是故燥濕寒暑以節至

甘雨膏露以時降

**八風**原淮南子何謂八風距日冬至四十五日條風至條風至四十五日明庶風至明庶風至四十五日清明風至清明風至四十五日景風至景風至四十五日涼風至涼風至四十五日閭闔風至閭闔風至四十五日

風至四十五日不周風至不周風至四十五日廣莫風至

音當日數原淮南子一律而生五音十二律而為六音以當一歲之日故律曆之數天地之道也增隋書

律曆志梁博士沈重鍾律議依淮南本數用京房之術求之得三百六十律各因月之本律以為一部以

一部律數為母以一中氣所有日為子以母命子隨所多少各一律所建日辰分數也

建日以考聲徵氣辨識時序萬類所宜各順其節原淮南子四時者天之吏也日月者天之使也星辰者天之期也虹蜺彗星者天之忌也

**天吏**原淮南子四時者天之吏也日月者天之使也星辰者天之期也虹蜺彗星者天之忌也

**陰陽專精**原淮南子天地之襲精為陰陽陰陽之專精為四時四時之散精為萬物積陽之熱

精為四時四時之散精為萬物積陽之熱



氣生火火氣之精者為日積陰之寒氣為水  
木氣之精者為日月之淫為精者為星辰

**太陰建德**

原淮南子太陰元始建於甲寅一終而建  
甲戌二終而建甲午三終而復得甲寅之

元歲徙一辰立春之後得其辰而  
遷其所順前三後五百事可舉

**女夷司天和**

原淮南子女夷鼓歌以司天和以長  
百穀禽獸草木孟夏之月以熟穀禾

**五行居方主氣**

增春秋繁露五行之隨各如其序五  
行之官各致其能是故木居東方而  
主春氣火居南方而主夏氣金居西方而主秋氣水  
居北方而主冬氣是故木主生而金主殺火主暑而  
水主寒使人必以其序官  
人必以其能天之數也

**四氣類感**

原春秋繁露天亦有喜怒之氣哀樂之心  
與人相副以類合之天人一也春喜氣也  
故生秋怒氣也故殺夏樂氣也故養  
冬哀氣也故藏四者天人同有之

**萬物隨陽**

增春秋繁露天之數畢於十旬十者天  
之數所止也陽氣以正月始出於地生育  
養長於上其功必成而積十月人亦十月而生合於  
天數也故陽氣出於東北入於西北發於孟春畢於  
孟冬而物莫不應是陽始出物亦始出陽方盛物亦  
方盛陽初衰物亦初衰物隨陽而出入數隨陽而終  
始三王之正隨陽而更起  
以此見貴陽而賤陰也

**十端**

原春秋繁露天有十端天為一端地為一端陰  
為一端陽為一端火為一端金為一端木為一



端水爲一端土爲一端人爲一端凡十端而畢天之數也王者受十端於天而一條條之畢每條一端以十二時如天之每終一歲以十二月也十者天之數也十二者歲之度也

**兩和二中**

**原**春秋繁露天有兩和以成二中歲立其動於下南方之中用合陽而養始美於上其動於下者不得東方之和不能生中春是也其養於上者不能成中秋是也

**四選三長**

**原**春秋繁露天地之理分一歲之變以爲四時四時天之四選春者少陽之選夏者太陽之選秋者少陰之選冬者太陰之選也四選之中各有孟仲季故一歲之中有四時一時之中有三

長天之節也

**和德平威**

**原**春秋繁露天有和有德有平有威有相受之意有爲政之理不可不審也春者天之和也夏者天之德也秋者天之平也冬者天之威也

**歲數成身**

**增**春秋繁露天以終歲之數成人之身故小節三百六十六副日數也大節十二分副月數也

**天人四時**

**原**春秋繁露春愛志也夏樂志也秋嚴志也冬哀志也故愛而有嚴樂而有哀四時之則也故曰天有喜怒哀樂之行人亦有春夏秋冬之氣



陰陽異處

原春秋繁露陰陽之行各六月遠近同度而所在異處陰之行春居東方秋居西方夏居空右冬居空左夏居空下冬居空上此陰之常處也陽之行春居上冬居下此陽之常處也陰終歲四移而陽常居實非親陽而踈陰任德而遠刑與

陰陽合節

原春秋繁露陽氣起於北至南方而盛盛極而合乎陽不盛不合終歲再合此天地冬夏之所以為節也

薰粟

原春秋繁露天之道出陽為暖以生之出溫為清以成之是故非薰也不能有育非粟也不能有熟歲之精也知天而不省薰與粟孰多者用之必與天戾雖勞不成

太平風雨

原董仲舒雨雹對太平之世風不鳴條開甲散萌而已雨不破塊潤葉津莖而已

六甲星

增星經六甲六星在華蓋之下扛星之旁主分陰陽而配於節候出入故在帝旁所布政

教而授農時也

斗九星

增星經玉衡者斗九星也第一星主徐州常以五子日候之甲子為東海丙子為琅邪戊

子為彭城庚子為下邳壬子為廣陵凡五郡第二星主益州常以五亥日候之乙亥為漢中丁亥為永昌已亥為巴郡蜀郡牂牁辛亥為廣漢癸亥為犍為凡七郡第三星主冀州常以五戌日候之甲戌為魏郡勃海丙戌為安平戊戌為鉅鹿河間庚戌為清河趙國壬戌為恒山凡八郡第四星主荊州常以五卯日



月令輯要卷一  
候之乙卯為南陽己卯為零陵辛卯為桂陽癸卯為  
長沙丁卯為武陵凡五郡五星主兗州常以五辰  
日候之甲辰為東郡陳畱丙辰為濟北戊辰為山陽  
泰山庚辰為濟陰壬辰為東平任城凡八郡第六星  
主揚州常以五巳日候之乙巳為豫章辛巳為丹陽  
巳巳為廬江丁巳為吳郡會稽癸巳為九江凡六郡  
第七星為豫州常以五午日候之甲午為潁州壬午  
為梁國丙午為汝南戊午為沛國庚午為魯國凡五  
郡第八星主幽州常以五寅日候之甲寅為元菟丙  
寅為遼東遼西漁陽庚寅為上谷代郡壬寅為廣陽  
戊寅為涿郡凡八郡第九星主并州常以五申日候  
之甲申為五原鴈門丙申為朔方雲中戊申為西河  
庚申為太原定襄壬申為上黨凡八郡

天柱星

**增**星經天柱五星在紫微宮內  
近東垣主建教等二十四氣

風行生律

**增**說苑天地之氣合以生風日至則日行  
其風以生十二律故仲冬短至則生黃鍾

季冬生大呂孟春生太簇仲春生夾鍾季春生姑洗  
孟夏生仲呂仲夏生蕤賓季夏生林鍾孟秋生夷則  
仲秋生南呂季秋生無射孟冬生應鍾天地之風氣正十二律至也

王相

**原**太元經五行用事者王王所生相**注**  
王謂春則木王也相謂木王而火相也

氣周事備

**原**易乾鑿度歲三百六十日而天氣  
周八卦用事各四十五日而備歲事

陰陽三五

**增**關氏易傳陰陽三五每一五而變七十  
二候二五而變三十六旬三五而變二十

月令輯要

卷一歲令上

天道

三



四氣

東西視

**增**關氏易傳天左旋西視之來東視之往日

上躋上下往來亦若東西之視

卦候

**增**京氏易略立春正月節在寅坎卦初六立秋

蟄二月節在子震卦初九白露同用春分二月中在

亥兌卦九四秋分同用清明三月節在戌艮卦六四

寒露同用穀雨三月中在酉離卦九四霜降同用立

夏四月節在申坎卦六四立冬同用小滿四月中在

未巽卦六四小雪同用芒種五月節在午乾宮九四

大雪同用夏至五月中在巳兌宮初九冬至同用小

龍德虎刑

**增**京氏易略龍德十一月在子在坎

暑六月節在辰艮宮初六小寒同用大

三十六雨

**原**京房易候太平之時十日一雨凡歲三

歲三十六雨天地之氣宣十日小

雨應天文十五日大雨以斗運也

子母合助

**原**尚書考靈耀虛為秋候昴為冬期陰

氣相佐德乃不邪子助母教母合子符

**四遊****原**尚書考靈耀地與星辰俱有四遊升降四遊

者自立春地與星辰西遊春分西遊之極地雖

西極升降正中從此漸漸而東至春末復正自立夏

之後北遊夏至北遊之極地則升降極下至夏季復

天道

三



正立秋之後東遊秋分東遊之極地則升降正中至  
秋季復正立冬之後南遊冬至南遊之極地則升降  
極上冬季復正此是地  
及星辰四遊之義也

**日遠近寒暑**原五經通義日在牽牛則寒在東井則  
暑牽牛外宿遠人故寒東井內宿近人

故溫也

**泰階平**原泰階六符經泰階者天之三階也上階為  
天子中階為公卿大夫下階為士庶人三階

平則陰陽和風雨時社稷神祇  
咸獲其宜天下大安是為太平

**四章為一蔀**增周髀算經四章為一蔀七十六歲注  
蔀之言齊同日月之分為一蔀也一歲

之月十二月十九分月之七通分內子得二百三十  
五一歲之日三百六十五日四分日之一通之得一  
千四百六十一分母不同則子不齊當互乘之以齊  
同之者以日分母四乘月分得九百四十即一蔀之  
月以月分母十九乘日分得二萬七千七百五十九  
即一蔀之日以日月分母相乘得七十六得一蔀之  
歲以一歲之月除蔀月得七十六歲又以一歲之日  
除蔀日亦得七十六矣歲月餘既終日分又盡眾殘  
齊合羣數畢  
滿故謂之蔀

**二十蔀為一遂**增周髀算經二十蔀為一遂遂千五

終竟極日月辰終也乾鑿度日至德之數先立金木  
水火土五凡各三百四歲五德運行日月開闢甲子



為部首七十六歲次得癸卯部七十六歲次壬午部  
七十六歲次辛酉部七十六歲凡三百四歲木德也  
主春生次庚子部七十六歲次巳卯部七十六歲次  
戊午部七十六歲次丁酉部七十六歲凡三百四歲  
金德也主秋成次丙子部七十六歲次乙卯部七十  
六歲次甲午部七十六歲次癸酉部七十六歲凡三  
百四歲火德也主夏長次壬子部七十六歲次辛卯  
部七十六歲次庚午部七十六歲次己酉部七十六  
歲凡三百四歲水德也主冬藏次戊子部七十六歲  
次丁卯部七十六歲次丙午部七十六歲次乙酉部  
七十六歲凡三百四歲土德也主致養其德四正子  
午卯酉而朝四時焉凡一千五百二十歲終一紀復  
甲子故謂之遂

**三遂爲一首**

**增**周髀算經三遂爲一首首四千五百

始也考靈曜曰日月首甲子冬至日月五星俱起牽  
牛初日月合若璧五星如聯珠青龍甲寅攝提格竝  
四千五百六十歲積及初故謂首也

**七首爲一極**

**增**周髀算經七首爲一極極三萬一千

終也言日月星辰望晦朔寒暑  
推移萬物生育皆復始故謂之極

**大小歲**

**增**周髀算經注小歲者十二月  
爲一歲大歲者十三月爲一歲

**日復星爲歲**

**增**周髀算經日復星爲一歲注冬至日  
出在牽牛從牽牛周牽牛則爲一歲



**極下日光**增周髀算經春分之日夜分以至秋分之日夜分極下常有日光注春秋分者晝夜

至春分之日夜分極下常無日光注春秋分者晝夜等春分至秋分日內近極故日光照不及也

**物氣變盛**原白虎通春秋物變盛冬夏氣變盛

**三微月**原白虎通正朔有三何本天有三統謂三微

動微而未著也十一月之時陽氣始養根株黃泉之下萬物皆赤赤者盛陽之氣也故周為天正色尚赤也十二月之時萬物始牙而白白者陰氣故殷為地正色尚白也十三月之時萬物始達孚甲而出皆黑

人得加功故夏為人正色尚黑尚書大傳曰夏以孟春月為正殷以季冬月為正周以仲冬月為正夏以十三月為正色尚黑以平旦為朔殷以十二月為正色尚白以雞鳴為朔周以十一月為正色尚赤以夜半為朔不以二月後為正者萬物不齊莫適所統故必以三微之月也

**章部紀元**原後漢書律曆志日周於天一寒一暑四

之歲歲首至也月首朔也至朔同日謂之章同在日首謂之部部終六旬謂之紀歲朔又復謂之元

**四陸**原後漢書律曆志日行北陸謂之冬東

**八魁**增後漢書蘇竟傳八魁上帝開塞之將也主退

惡攘逆注曆法春三月己巳丁丑夏三月甲申



壬辰秋三月己亥丁未冬三月甲寅壬戌為八魁

**三正**原後漢書陳寵傳冬至之節陽氣始萌故十一月有蘭射干芸荔之應時今日諸生蕩安形體

天以為正周以為春十二月陽氣上通雉雞乳地以為正殷以為春十三月陽氣已至天地已交萬物皆出蟄蟲始振人以為正夏以為春

以為正夏以為春

**陽舒陰慘**原西京賦夫人在陽時則舒在陰時則慘此牽乎天者也

**陰陽少太**增蔡邕月令章句天之道陰陽各有少太是生四時少陽為春太陽為夏少陰為秋

太陰為冬

**歲三難**原蔡邕月令問答四時通等而夏無難文由日行也春行少陰秋行少陽冬行太陰陰陽

背使不於其類故冬春難以助陽秋難以達陰至夏節太陽行太陰自得其類無所扶助也獨不難取之於是也注

難音那

**春出秋入**原說文卯為春門萬物已出酉為秋門萬物已入

**雷應陽**增論衡正月陽動故正月始雷五月陽盛故五月雷迅秋冬陽衰故秋冬雷潛

**雨徵**增論衡雲霧雨之徵也夏則為露冬則為霜温則為雨寒則為雪雨露凍凝者皆由地發不從

天降



**五風十雨**原論衡太平瑞應五日一風十日一雨

**統元**增論衡積日為月積月為時積時為歲千五百三十九歲為一統四千六百一十七歲為一元

**寒暑有節**原論衡盛夏之時當風鼓翼隆冬之月嚮日然爐然而天終不為冬夏易氣者寒暑

有節不為人改變也

**土旺四季**增參同契坎戊月精離已日光日月為易剛柔相當土旺四季羅絡始終青赤黑白

各居一方皆稟中宮戊己之功

**無為自成**原中論名之繫於實也猶物之繫於時也物者春也吐華夏也布葉秋也凋零冬也

成實斯無為而自成者也

**斗建四時**增晉書天文志北斗七星在太微北七政之樞機陰陽之元本也故運乎天中而臨

制四方以建四時而均五行也

**上元甲子**增晉書律曆志推甲子為上元至泰始十年歲在甲午九萬七千四百一十一歲上

元天正甲子朔夜半冬至日月五星始於星紀得元首之端

**虐暑涸陰**增陸機演連珠虐暑熏天不減堅冰之寒涸陰凝地無累陵火之熱

**陽春秋霜**原郭象翼莊聖人之在天下暖然若陽春之自和故潤澤者不謝凄乎若秋霜之自



降故凋落者不怨

**分野**

**增博雅**

甲乙為幹幹者日之神也寅卯為枝枝者月之靈也甲剛乙柔丙剛丁柔戊剛己柔庚

剛辛柔壬剛癸柔甲齊乙東夷丙楚丁南夷戊魏己韓庚秦辛西夷壬衛癸北狄子周丑狄寅楚卯鄭辰晉巳衛午秦未宋申齊酉魯戌趙亥燕角亢鄭氏房心宋尾箕燕斗牽牛婁女吳虛危齊營室東壁衛奎婁魯胃昴畢趙觜參魏東井輿鬼秦柳七星張周翼軫楚北斗七星一為樞二為旋三為機四為權五為衡六為開陽七為搖光樞為雍州旋為冀州機為青兗權為徐揚衡為荊州開陽為梁州搖光為豫州

**四正風**

**增物理論**

春氣溫其風溫以和喜風也夏氣盛其風燠以怒怒風也秋氣勁其風清以凄

清風也冬氣實其風慘以烈固風也此四正之風也

**四維風**

**增物理論**

四維之風東北明庶庶物出幽入明也東南融風其道以長也西南清涼百物

備成也西北不周方潛藏也

**暑退寒往**

**增潘岳閒居賦**

凜秋暑退熙春寒往微雨新晴六合清朗

**發斂**

**增宋書曆志**

戴法興議云二至發斂南北之極日有恒度而宿無改位故古曆冬至皆在建星

周王褒上新定鍾律表數始黃鍾琯終仲呂還宮變徵參天兩地三分損益累黍相承四時發斂忽微斯測



月令輯要

溫柔寒剛原劉勰新論萬物居溫則柔入寒則剛故

春暄秋涼

增毛詩正義計春秋漏刻多少正等而秋

張衡西京賦云人在陽則舒在陰則慘然則人遇春

暄則四體舒泰春覺晝景之稍長謂日行遲緩故以

遲遲言之及遇秋景四體褊躁不見日行急促唯覺

四方中星

增書疏四方中星者二十八宿布在四方

令每月昏旦推舉一星之中若使每日視之即諸宿

每日昏旦莫不當中中則人皆見之故以中星表宿

四方中星總謂二十八宿也

節氣中氣

增尚書正義一歲三百六十五日有餘分

也一為中氣

為月半也

信風

原國史補江淮船汭流而上常待東北風謂之

麥信

風

周星

原史記索隱歲行一次謂之歲星十二歲而星

之榮頓

極今日

節序初置

增物原伏羲初置元日神農初置臘節軒

月令輯要 卷一 歲令上 天道 三



上巳秦德公初置伏日晉平公初置中秋齊景公初置重陽端午楚懷王初置七夕秦始皇初置寒食漢武帝初置三元東方朔初置人日

**日月歲餘**增潛虛餘終也天過其度日之餘也朔不滿氣月之餘也日不復次歲之餘也

**天地有息**增潛虛日息於夜月息於晦鳥獸息於蟄草木息於根為此者誰曰天地天地猶有

所息而况於人乎

**一歲呼吸**增皇極經世冬至之後為呼夏至之後為吸此天地一歲之呼吸也

**日隨斗**增皇極經世夏則日隨斗而北冬則日隨斗而南故天地交而寒暑和寒暑和而物乃生

**民物四府**原皇極經世昊天盡物聖人盡民皆有四府春為生物之府夏為長物之府秋為收

物之府冬為藏物之府易為生民之府書為長民之府詩為收民之府春秋為藏民之府昊天四府者時也聖人之四府者經也昊天以時授人聖人以經法天

**一氣為四**增皇極經世春為陽始夏為陽極秋為陰始冬為陰極陽始則溫陽極則熱陰始則

涼陰極則寒溫則生物熱則長物涼則收物寒則殺物皆一氣別而為四焉

**元會運世**增皇極經世西山蔡氏曰一元之數即一歲之數也一元有十二會三百六十運四

千三百二十世猶一歲十二月三百六十日四千三百二十辰也前六會為息後六會為消即一歲之自



子至巳為息自午至亥為消開物於星之七十六猶歲之驚蟄也閉物於三百一十五猶歲之立冬也一元有十二萬九千六百歲一會有十二萬九千六百月一運有十二萬九千六百日一世有十二萬九千六百辰

### 四相為用

**原**朱子天有春夏秋冬地有金木水火人有仁義禮智皆以四者相為用也

### 氣候感應

**原**朱子春為感夏為應秋為感冬為應統論春夏為感秋冬為應明歲春夏又為感

### 六壬神將

**增**夢溪筆談六壬有十二神將以義求之止合有十一神將貴人為之主其前有五

將謂騰蛇朱雀六合勾陳青龍也此木火之神在方左者其後有五將謂天后太陰真武太常白虎也此

金水之神在方右者惟貴人對相無物故謂之天空非神將也猶月殺之有月空也**注**方左謂寅卯辰巳午方右謂未申酉亥子

### 五行消長

**增**夢溪筆談世之言五行消長者止是知一歲之間如冬至後日行盈度為陽夏至

後日行縮度為陰二分行平度殊不知一月之中自有消長望前月行盈度為陽望後月行縮度為陰兩弦行平度至如春木夏火秋金冬水一月之中亦然不止月中一日之中亦然素問云疾在肝寅卯患申酉劇病在心巳午患子亥劇此一日之中自有四時也安知一時之間無四時安知一刻一分一剎那之中無四時耶又安知十年百年一紀一會一元之間又豈無大四時耶又如春為木九十日間當疊疊消

月令輯要 卷一 歲令上 天道



長不可云三月三十日亥時屬木明日子時頓屬火也

### 天十二辰名

增夢溪筆談六壬天十二辰之名登明者正月三陽始兆於地上見龍在田天

下文明故曰登明天魁者斗魁第一星也抵於戌故曰天魁從魁者斗魁第二星也抵於酉故曰從魁傳送者四月陽極將退一陰欲生故傳陰而送陽也小吉者夏至之氣大往小來小人道長小人之吉也故為婚姻酒食之事勝先者王者向明而治萬物相見乎此莫勝莫先焉太一者太微垣所生太一所居也天罡者斗剛之所建也太衝者日月五星所出之門戶天之衝也功曹者十月歲功成而會計也大吉者冬至之氣小往大來君子道長大人之吉也故主文武大臣之事十二月子位北方之中上帝所居也神

后帝君之稱也天十二辰也故皆以天事名之

### 氣備運周

增運氣論天以六為節故氣以六替而為一備地以五為制故運以五歲而為一周

運統一歲於四時之表氣分六位於一歲之中

### 變曆

原宋王涯說元自黃帝迄三代之末凡一千四百

魏後周六曆不與焉唐三百曆凡九變自五代之調元欽天而曆法始弊本朝自建隆迄慶元二百五十年間曆十四變上距黃帝之曆凡五十八變矣夫三代之曆多至八百年少至四百年而一變者非曆之差也正朔既改曆不容不變也漢曆率百年一變唐曆率百年三變本朝曆率百年而六變以其用之



久近觀之則法之疎密可知矣

### 卦爻分主時候

增山堂考索卦止於六十四而坎離震兌居四正宮分主四時此四卦每

卦六爻四六二十四每爻當一氣故此四卦分主四時而不專主於一候也其餘六十卦則五卦主六候者中氣之末節氣之初共一卦主之其餘四候各一卦也

### 陰生陽始

增路史五月旱燠人知為暑也而陰實生之十月冰霰人知為寒也而陽實始之

### 花信風

增蠡海集二十四番花信風者一月二氣六候五日以一花之風信應之小寒之一候梅花二候山茶三候水仙大寒之一候瑞香二候蘭花三候山

候五日以一花之風信應之小寒之一候梅花二候山茶三候水仙大寒之一候瑞香二候蘭花三候山

磬立春之一候任春二候櫻桃三候望春雨水之一

候菜花二候杏花三候李花驚蟄之一候桃花二候

棣棠三候薔薇春分之一候海棠二候梨花三候木

蘭清明之一候桐花二候麥花三候柳花穀雨之一

候牡丹二候醪醖三候

棟花花竟則立夏矣

### 節氣之巧

增癸辛雜識至元甲午節氣之巧三十一

未驚蟄三月初三日癸丑清明四月初四日甲申立

夏五月初五日甲寅芒種六月初六日乙酉小暑七

月初七日乙卯立秋八月初八日乙酉白露九月初

九日丙辰寒露十月初十日丙戌立冬十一月十一

日丁巳大雪十二月十二日丁亥小寒

考百年以來未見如此者亦一奇事也



暑影堂

增元史天文志春秋分暑影堂為屋二間脊開東西橫罅以斜通日晷中有臺隨暑影南

高北下仰置銅半環刻天度一百八十以準地上之半天斜倚銳首銅尺以往來窺運側望漏屋暑影驗度數以定春秋二分又冬夏至暑影堂為屋五間屋下為坎脊開南北一罅以直通日晷隨罅立壁附壁懸尺以往來窺運直望漏屋暑影以定冬夏至

求節氣

增輟耕錄求節炁歌曰驚蟄五時二刻求清

明十時四刻流立夏一日三時六芒種一日九時周小暑二日二時二立秋二日七時四白露三日零六刻寒露三日六時至立冬三日十一二大雪四日四時四小寒四日九時六五日三時交新歲節遇子時加一日此為捷法君須記

一年約法

增輟耕錄一年約法曰一周年三百六十五日零二時五刻

半月一氣十五日零二時五刻

體用循環

原性理大全魯齋許氏曰南北東西是定體相對春夏秋冬是流行運用相為循環

一用一體

十六神

原太乙數四時之氣分在四維行於十二支辰故有十六辰子神曰地主言陽氣初動萬

物在下也丑神陽德言二陽用事布育萬物也艮神和德言春冬將交陰陽氣和群物方生也寅神呂申言陽氣大申草木甲坼也卯神高叢言木氣太旺萬物皆出也辰神太陽言五陽正盛飛龍在天也巽神



太昊言光明發輝萬物潔齊也巳神大神言六陽大  
備火神司權萬物長盛也午神大威言陽謝陰生火  
神炳化刑暴始行也未神天道言二陰任事萬物生  
育也坤神大武言陰氣施陽萬物殺傷也申神武德  
言金氣始旺肅殺司權也酉神太族言萬物成熟大  
有品族也戌神陰主言五陰正盛黃裳元吉也乾神  
陰德言陰中陽生大有其德亥神大  
義言六陰大備水神司權萬物滋也

### 太陽過宮

**增**奇門歌

立春在子雨水壬驚蟄在亥乾  
春分清明在戌穀雨辛立夏在西小滿庚

芒種在申夏至坤小暑在未大暑丁立秋在午處暑  
丙白露在巳異秋分寒露在辰霜降乙立冬小雪卯  
甲臨大雪在寅冬至  
艮小寒大寒丑癸尋

### 月令緣起

**增**鼠璞

月令之書自大撓作甲子占斗所  
建伶倫制十二律以節四時之度堯命羲

和敬授人時分四仲以定中星析因夷隩驗之於人  
孳尾希革毛毳毼毛占之於鳥獸東作南訛西成朔  
易應之於事終之允釐百工庶績咸熙此夏時之所  
由起夏小正之書辭簡理明固已備月令之體周以  
農開國猶以時令為  
先務大概具見七月

### 辨歲本論

**原**祛疑說

胡汝嘉歲本論謂今夜子時即  
是來日則今年之子月當為來年向主其

說或謂春夏秋冬一歲之敘也豈有冬而後春之理  
堯曆授時亦首春而次夏夫子謂行夏之時以其得  
天道之正也深思其故乃得其說夫每日有十二時  
者太陽隨天之運而周行於方隅之十二位也故日



到子方則為子時到午方則為午時每年有十二月者太陽麗天而歷於天輪之十二星次也是以日次子位當虛宿之躔度而立春虛乃子位之正天中之一陽也蓋太陽每一日順行十二方隅而為十二時太陽每一歲逆躔十二星次而為十二月胡汝嘉不曉曆法故知天道更新於子而不知太陽次天輪之子為更新也

### 月卦陰陽

**增**農說諸陰謂自姤以至剝也姤五月之卦也剝九月之卦也六月為遯七月為否

八月為觀姤自乾中來一陰始生成位於夏至至否而塞塞而觀觀而剝十月復全乎坤矣諸陽謂自復以至夬也復十一月之卦也夬三月之卦也十二月為臨正月為泰二月為大壯復自坤中來一陽始生

成位於冬至至泰而開開而壯壯而夬四月復全乎乾矣

### 五時

**增**楊升菴集春夏秋冬堯典之四時也曲臺禮及唐六典有五時之衣則以木火金水分七十

二日土無定位各寄四時之末十八日而中位在夏末秋初素問謂之長夏周禮改火季夏取桑柘之火是五時也

### 四時風

**增**楊升菴集郎仁寶瑛云春之風自下而升上紙鳶因之以起夏之風橫行空中故樹杪

多風聲秋之風自上而下木葉因之以隕冬之風著土而行是以吼地而生寒驗之良是按春日條風言風所拂津葉潤莖噓枯吹生易曰潤之以風雨是風亦有潤楚辭光風轉蕙汎崇蘭謂之光者草木遇之



而有光也夏之風惟在半空故樹杪有聲而暑氣不解至秋涼風至則自上而下矣冬之風鬻發吼地而生寒諺曰三九二十七籬頭吹鬻策最有證

### 五運北方有二

**增**楊升菴集重為春神曰勾芒黎為夏神曰祝融勾龍為中央神曰后土

該為秋神曰蓐收修與熙為冬神曰元冥春夏中央秋之神皆一人而冬獨有二者蓋冬於方為朔於卦為習坎於腎有左右於器有權衡於物有龜蛇於色有元黑則官有脩熙宜矣六壬家甲乙青龍丙丁朱雀戊巳勾陳庚辛白虎壬癸騰蛇元武亦此理也在易四德元亨利貞元大也亨通也利宜也貞正而固也貞亦兩德太元準易罔蒙直會真以配元亨利貞而冬亦兼會真

## 政典

### 財成輔相

**增**易后以財成天地之道輔相天地之宜以左右民注財節也輔相左右助也以者

取其順陰陽之節為出內之政春崇寬仁夏以長養秋教收斂冬勅蓋藏皆可以成物助民也

### 授時

**原**書乃命羲和欽若昊天曆象日月星辰敬授人時傳重黎之後羲氏和氏世掌天地四時之

官故堯命之使敬順昊天昊天言元氣廣大星四方中星辰日月所會曆象其分節敬記天時以授之也

### 巡守四朝

**增**書五載一巡守羣后四朝疏每五載一巡守其巡守之年諸侯羣后四方各朝天

子於方岳之下蔡傳五載之內天子巡守者一諸侯來朝者四蓋巡守之明年則東方諸侯來朝於天子



之國又明年則南方又明年則西方又明年則北方又明年則天子復巡守

**考績**增書三載考績三考黜陟幽明**通典**周制三載考績三考黜陟其訓曰三歲而小考其功也小

考者正職而行事也九歲而大考有功也

**周制朝巡**增書六年五服一朝又六年王乃時巡考

傳五服侯甸男采衛六年一朝會京師周制十二年一巡守春東夏南秋西冬北故曰時巡

**六宗**原書禮于六宗**傳**精意以享謂之禋宗尊也所

星也水旱也**疏**祭法云埋少牢于太昭祭時相近于坎壇祭寒暑王宮祭日夜明祭月幽禋祭星雩禋祭

也水旱

**五辰**原書百工惟時撫于五辰庶績其凝**蔡傳**五辰

也季

**省歲月日**原書王省惟歲卿士惟月師尹惟日**傳**王

有所掌如月之有別眾正官之吏分治其職如日之有歲月

**祈年**增詩祈年孔風方社不莫

**時臺**增詩靈臺注天子有時臺以觀四時**公羊**築臺于郎注諸侯有時臺以候四時



歲杪制用

**增禮**冢宰制國用必于歲之杪五穀皆入

十年之通制國  
用量入以為出

釋奠先師

**增禮**凡學春官釋奠于其先師秋冬亦如

仲月上丁釋奠于先聖先師年別一行鄉飲酒禮州

郡學則以春秋仲月釋奠州郡縣亦每年於學一行

鄉飲酒禮**增**舊唐書百官志國子監祭酒司業之職

凡春秋二分之月上丁釋奠于孔宣父祭以太牢樂

用登歌軒懸祭酒為初獻司業為亞獻

歲獻**增禮**諸侯歲獻**疏**謂諸侯每歲獻國事之書及

獻計借之物於天子也**又**漢時謂郡國送文書

之使謂之為計吏其貢獻之物與計吏俱來故謂之計借物

四教造士**原禮**樂正崇四術立四教順先王詩書禮

質成**增禮**司會以歲之成質于天子冢宰齋戒受質

司徒大司馬大司空齋戒受質百官各以其成質于

三官大司徒大司空以百官之成質于天子百官齋戒受質然後休

老勞農成歲事制國用也凡飲養陽氣凡食養陰氣陽用春夏陰用秋冬**原**

養老**增禮**凡養老有虞氏以燕禮夏后氏以饗禮殷

也凡飲養陽氣凡食養陰氣陽用春夏陰用秋冬**原**

蔡邕明堂月令論始之養也適東序釋奠於先老遂

月令輯要卷一歲令上政典



設五更三老之席位言教學始之於養老由東方歲始也增續文獻通考洪武五年詔行養老禮命禮部

定每歲孟春正月孟冬十月有司偕學官率士大夫之老者行之於學宮

**干戈羽籥**原禮凡學世子及學士必時春夏學干戈

于陽氣發動之時教之示有事也羽籥為文舞故于陰氣凝寂之時教之示安靜也

**弦誦書禮**原禮春誦夏弦大師詔之瞽宗秋學禮執禮者詔之冬讀書典書者詔之禮在瞽宗

書在上庠

**歲三田**原禮天子諸侯無事則歲三田一為乾豆二為賓客三為充君之庖

**禘嘗烝**原禮凡祭有四時春祭曰禘夏祭曰禘秋祭曰嘗冬祭曰烝原公羊春正月己卯烝傳春日祠夏日禘秋

也原嘗冬曰烝士不及茲四者則冬不裘夏不葛

**春饗秋食**增禮春饗孤子秋食耆老疏春是生養之時故饗孤子取長養之義秋是成熟之時

故食耆老取老成之義

**鄉飲酒**原禮鄉飲酒之義賓主象天地也介僎象陰陽也三賓象三光也讓之三象月之三日而成魄也四面之坐象四時也增漢書李忠

傳守丹陽春秋鄉飲選用明經以變越俗

**歲九祭天**增禮天子祭天地疏天神有六祭之一歲有九昊天上帝冬至祭之一也蒼帝靈威



仰立春之日祭之於東郊二也赤帝赤燿怒立夏之日祭之於南郊三也黃帝含樞紐季夏六月土王之日亦祭之於南郊四也白帝白招拒立秋之日祭之於西郊五也黑帝汁光紀立冬之日祭之於北郊六也王者各稟五帝之精氣而王天下於夏正之月祭於南郊七也四月龍星見而雩總祭五帝於南郊八也季秋大享五帝於明堂九也

**歲二祭地**

增禮天子祭天地疏地神有二歲有二祭夏至之日祭崑崙之神於方澤一也夏正

之月祭神州地祇於北郊二也

**歲三祭社**

增禮郊特牲疏社祭一歲有三仲春命民社一也詩以社以方謂秋祭二也孟冬大

割祠於公社三也

**歲四祭日月**

增禮郊特牲疏凡祭日月之禮一歲有四迎氣之時祭日於東祭月於西一也

春分朝日秋分夕月二也夏正郊天之時而主日配以月三也孟冬大蜡之時又祭日月令祈年於天宗也

**秋霜春露**

原禮祭不欲數數則煩煩則不敬祭不欲

禘而秋嘗霜露既降君子履之必有悽愴之心非其寒之謂也春雨露既濡君子履之必有恍惕之心如將見之



天官冢宰

原周禮惟王建國辨方正位體國經野設官分職以為民極乃立天官冢宰使帥其

屬而掌邦治以佐王均邦國注

設天地四時之官即六卿也

計吏

原周禮天官大宰歲終則令百官府各正其治受其會聽其致事而詔王廢置三歲則大計羣吏之治而

六官

增周禮天官小宰一日天官其屬六十掌邦治二日地官其屬六十掌邦教三日春官其屬六十掌邦禮四日夏官其屬六十掌邦政五日秋官其屬六十掌邦刑六日冬官其屬六十掌邦事注六官

之屬三百六十象天地四時日月星辰之度數天道備焉

修火禁

增周禮天官宮正春秋以木鐸修火禁注火星以春出以秋入因天時而以戒疏春謂季

春秋謂季秋二時火星出入之時以木鐸警眾使修火禁也

均秩敘

原周禮天官宮伯月終則均秩歲終則均敘注秩祿稟也敘才等也

斂獻皮革

增周禮天官掌皮掌皮掌秋斂皮冬斂革春獻之疏獸皮治去其毛曰革秋斂皮者

鳥獸毛毳之時其皮善故秋斂之革乃須治用功深故冬斂之乾久成善乃可獻故春獻之也

染絲帛

原周禮天官染人染人掌染絲帛凡染春暴練夏纁元秋染夏冬獻功疏凡染春暴練者

以春陽時陽氣燥達故暴曬其練夏纁元者夏暑熱潤之時以朱湛丹秫易可和釋故夏染纁元而為祭

政典 一歲命上 皇



服也秋染夏者夏謂五色至秋氣涼可以染五色也冬獻功者纁元與夏總染至冬功成並獻之於王也

**獻狸物**

增周禮天官鼈人以時簠魚鼈龜

**養時疾**

增周禮天官疾醫疾醫掌養萬民之疾病四時皆有癘疾春時有疇首疾夏時有癢疥疾

秋時有瘧寒疾冬時有嗽上氣疾疏春是四時之首陽氣將盛惟金沴木故有頭首之疾言疇者謂頭痛之外別有酸削之痛四月純陽用事五月已後陰氣始起惟水沴火水為甲疥有甲故有痒疥之疾秋時陽氣漸銷陰氣方盛惟火沴金兼寒兼熱故有瘧寒之疾冬時陰氣盛陽氣方起惟土沴水以土壅水其氣不通故有嗽上氣之疾

**歲成**

原周禮天官司會以歲會攷歲成疏歲計曰會以一歲之會計攷當歲成事文書

**職歲**

原周禮天官職歲掌邦之賦出以貳官府都鄙之財出賜之數以待會計而攷之凡官府都鄙

羣吏之出財用受式灋于職歲

**會行事**

原周禮天官宮正歲終則會其行事疏歲終則會計行事吏職當考知功過也

**頒衣裳**

增周禮天官宮伯以時頒其衣裳注若今賦冬夏衣

**用禽獻**

原周禮天官庖人凡用禽獻春行羔豚膳膏香夏行腍鱠膳膏臊秋行犢麋膳膏腥冬行

麋羽膳膏羶歲終則會惟王及后之膳禽不會注用禽獻謂煎和之以獻王



凌人掌冰

原周禮天官凌人掌冰正歲十有二月令

鑿焉凡酒漿之酒醴亦如之夏頒冰

掌事秋刷

注刷除冰室當更納新冰

獸物凡獸皆可獻也及狐狸

和齊

原周禮天官食醫掌和王之六食六飲六膳百

醬齊眠秋時飲齊眠冬時凡和春多

地官司徒

原周禮乃立地官司徒使帥其

度地居民

原周禮地官大司徒凡造都鄙制其地域

晦一易之地家二百晦再易之地家三百

種地薄故家二百畝再易之地休一歲乃復

均力政

原周禮地官均人凡均力政以歲上下豐年

年則公旬用一日焉

土圭測景

原周禮地官司徒以土圭之法測土深正

景長多寒日東則景夕多風日西則景朝多陰日至

月令

卷一

政典

景



交也風雨之所會也陰陽之所和也

**徵令有常**

原周禮地官鄉師凡四時之徵令有常者以木鐸徇于市朝

**賙民施惠**

原周禮地官鄉師以歲時巡國及野而賙萬民之糶阨以王命施惠

**會射**

原周禮地官州長春秋以禮會民而射于州序疏以禮者謂先行鄉飲酒之禮乃射

**閭胥徵令**

原周禮地官閭胥各掌其閭之徵令以歲時各數其閭之衆寡辨其施舍凡春秋之

祭祀役政聚衆庶既比則讀法書其敬敏任恤者

**四孟讀法**

原周禮地官黨正黨正各掌其黨之政令教治及四時之孟月吉日則屬民而讀邦

法以糾戒之春秋祭禋亦如之注五百家為黨以四孟之月朔日讀法者彌親民者於教亦彌數禋謂雩祭水旱之神蓋亦為壇位如祭社稷云

**歲時校比**

原周禮地官黨正正歲屬民讀法而書其德行道藝以歲時涖校比

**羣祀用牲**

原周禮地官牧人凡陽祀用騂牲毛之陰祀用黝牲毛之望祀各以其方之色牲毛

之注陽祀祭于南郊及宗廟陰祀祭地於北郊及社稷也望祀五嶽四鎮四瀆也

**月吉讀法**

原周禮地官族師族師各掌其族之戒令政事月吉則屬民而讀邦法書其孝弟睦

嫻有學者春秋祭酺亦如之注月吉每月朔日也酺者為人物裁害之神也疏以其彌親民教亦彌數故



十二朔 皆讀之

春頒秋斂

**增**周禮地官旅師凡用粟春頒而秋斂之注困時施之饒時收之

歲時合耦

**增**周禮地官里宰里宰掌比其邑之眾寡以歲時合耦於鋤以治稼穡趨其耕耨行

其秩敘以待有司之政令而徵斂其財賦疏合耦於耨者鋤助也謂合兩兩相佐助於里宰處

芻牲三月

**增**周禮地官充人充人掌繫祭祀之牲牲有閑者防禽獸觸齧養牛注牢閑也必

羊日芻三月一時節氣成

時祀用牲

**增**周禮地官牧人凡時祀之牲必用牲物注時祀四時所常祀謂山川以下至四方

百物疏其物色須純其體須完不得雜也

斂染草

**增**周禮地官掌染草掌染草掌以春秋斂染草之物以權量受之以待時而頒之

節巡施惠

**原**周禮地官司救凡歲時有天患民病則以節巡國中及郊野而以王命施惠

歲時祭門

**增**周禮地官司門凡歲時之門受其餘注受祭門之餘疏歲之四時祭門非一故云

凡以 總之

春官宗伯

**原**周禮乃立春官宗伯使帥其屬而掌邦禮以佐王和邦國

賓禮

**原**周禮春官大宗伯以賓禮親邦國春見日朝夏見日宗秋見日覲冬見日遇時見日會殷見



曰同時聘曰問殷頰曰視

**廟享**原周禮春官大宗伯以肆獻裸享先王以饋食

享先王以烝冬享先王注宗廟之祭有六肆獻裸在饋食四時之上則是祫也禘也肆者進所解牲體謂

薦熟時也獻獻醴謂薦血腥也裸之言灌灌以鬱鬯謂始獻尸求神時也

**禮天地四方**增周禮春官大宗伯以玉作六器以禮

青圭禮東方以赤璋禮南方以白琥禮西方以元璜

禮北方注禮天以冬至謂天皇帝在北方以立春謂蒼精地以夏至謂神在崑崙者也禮東方以立夏謂赤精之帝而太昊句芒食焉禮南方以立夏謂赤精之帝

而炎帝祝融食焉禮西方以立秋謂白精之帝而少昊蓐收食焉禮北方以立冬謂黑精之帝而顓頊元真食焉

**祭表貉**增周禮春官小宗伯凡四時之大甸獵祭表貉則為位注貉師祭也貉讀為十百之百於

所立表之處為師祭造軍法者禱氣勢之增倍也

**四時裸獻**增周禮春官司尊彝春祠夏禴裸用雞彝

兩象尊皆有罍諸臣之所昨也秋嘗冬烝裸用罍彝黃彝皆有舟其朝獻用兩著尊其饋獻用兩壺尊皆有罍諸臣之所昨也凡四時之間祀追享朝享裸用

虎彝雌彝皆有舟其朝踐用兩大尊其再獻用兩山



尊皆有壘諸臣之所  
昨也注昨讀為酢

**正歲年**

原周禮春官大史正歲年以序事頒之於官  
府及都鄙注中數曰歲朔數曰年疏一年之  
內有二十四氣皆節氣在前中氣在後節氣一名朔  
氣朔氣在晦則後月閏中氣在朔則前月閏節氣有  
入前月法中氣無入前月法中  
氣市則為歲朔氣市則為年

**更旌**

原周禮春官司常歲時  
共更旌注取舊予新也

**合舞合聲**

原周禮春官樂師春入學舍采合舞秋頒  
學合聲注春始以學士入學宮而學之合  
舞等其進退使應節奏舍即釋也采讀為菜始入學  
必釋菜禮先師也春使之學秋頒其才藝所為合聲

亦等其曲折  
使應節奏

**辰建交錯**

增周禮春官大師以合陰陽之聲注聲之

而辰在星紀大呂丑之氣也十二月建焉而辰在元  
枵大族寅之氣也正月建焉而辰在媿訾應鍾亥之  
氣也十月建焉而辰在析木姑洗辰之氣也三月建  
焉而辰在大梁南呂酉之氣也八月建焉而辰在壽  
星蕤賓午之氣也五月建焉而辰在鶉首林鍾未之  
氣也六月建焉而辰在鶉火夷則申之氣也七月建  
焉而辰在鶉尾中呂巳之氣也四月建焉而辰在實  
沈無射戌之氣也九月建焉而辰在大火夾鍾卯之  
氣也二月建焉而辰在降婁辰與  
建交錯質處如表裏然是其合也



逆暑迎寒

**增**周禮春官籥章中春晝擊土鼓歛幽詩以逆暑中秋夜迎寒亦如之注幽詩幽風

七月也歛之者以籥為之聲七月言寒暑之事迎氣歌其類也迎暑以晝求諸陽迎寒以夜求諸陰

取龜攻龜

**增**周禮春官龜人凡取龜用秋時攻龜用春時各以其物入於龜室注秋取龜及萬

物成也攻治也治龜骨以春是時乾解不發傷也疏龜有六室物色也六龜各入於一室以其著龜歲易

秋取春攻訖即欲易去前龜也

夏官司馬

**原**周禮乃立夏官司馬使帥其屬而掌邦政以佐王平邦國

變火

**原**周禮夏官司燿掌行火之政令四時變國火以救時疾注春取榆柳之火夏取棗杏之火季

夏取桑柘之火秋取柞櫛之火冬取槐檀之火增隋

書王劭傳劭以古有鑽燧改火之義表請變火云周

官四時變火以救時疾在晉時有以洛陽火渡江者

代代事之相續不滅火色變青昔師曠食飯云是勞

薪所費晉公使視之果然車輞今溫酒及炙肉用石

炭柴火竹火草火蔴荻火氣味各不同以此推之新

火舊火理應有異願於五時取五

木以變火用功甚少救益方大

出火內火

**原**周禮夏官司燿季春出火民咸從之季秋內火民亦如之注以三月本時昏心星

見於辰上使民出火九月本黃

昏心星伏在戌上使民內火

合學合射

**增**周禮夏官諸子凡國之政事國子存遊倅使之修德學道春合諸學秋合諸射以



考其藝而進退之注遊倅倅之未仕者學太學也射射宮也

**獻弓弩矢箛**增周禮夏官司弓矢中春獻弓弩中秋

**四時居治**原周禮夏官趣馬辨四時之居治以聽馭

疏辨四時之居治者二月巳前八月巳後在

**侯禳**原周禮夏官小子凡沈辜侯禳飾其牲注沈謂

去之也

**秋官司寇**原周禮乃立秋官司寇使帥其屬而掌邦禁以佐王刑邦國

**計獄弊訟**原周禮秋官小司寇歲終則令羣士計獄

**朝覲會同**原周禮秋官大行人春朝諸侯而圖天下

之事秋覲以比邦國之功夏宗以陳天下之謨冬遇以協諸侯之慮時會以發四方之禁殷同

以施天下之政時聘以結諸侯之好殷類以除邦國

**六服歲見**增周禮秋官大行人邦畿方千里其外方

五百里謂之甸服二歲壹見其貢嬪物又其外

方五百里謂之男服三歲壹見其貢器物又其外方

五百里謂之采服四歲壹見其貢服物又其外方五



里謂之要服六歲  
壹見其貢貨物

### 歲問殷聘

**原**周禮秋官大行人諸侯之  
邦交歲相問也殷相聘也

### 歲撫邦國

**增**周禮秋官大行人王之所以撫邦國諸  
侯者歲徧存三歲徧頰五歲徧省七歲屬

象胥諭言語協辭命九歲屬瞽史諭書名聽聲音十  
有一歲達瑞節同度量成牢禮同數器修灋則十有

二歲王巡  
守殷國

### 入貢獻功

**原**周禮秋官小行人小行人掌邦國賓客  
之禮以待四方之使者令諸侯春入貢秋

獻功王親受之各以其國之籍禮之  
**注**貢六服所貢也功考績之功也

### 去天鳥

**原**周禮秋官若族氏掌覆天鳥之巢以方書  
十日之號十有二辰之號十有二月之號十

有二歲之號二十有八星之號縣其巢上則去之  
**注**天鳥惡鳴之鳥方版也天鳥見此五者而去

### 陽木陰木

**增**周禮秋官柞氏柞氏掌攻草木及林麓  
夏日至今刊陽木而火之冬日至今刊陰

木而水之若欲其化也則春秋變其水火**注**生山南  
為陽木生山北為陰木**疏**變之者夏日至今刊陽木火  
之者至秋以水潰之冬日至今刊陰木水  
之者至春以火燒之如此則地和美

### 春秋阱獲

**增**周禮秋官雍氏掌溝瀆澮池之禁凡害  
於國稼者春令為阱獲溝瀆之利於民者

秋令塞阱杜獲**注**害稼謂水潦及禽獸也**疏**秋塞阱  
杜獲固防其害人時既收刈亦所以疎禽獸之禁也



雍氏殺草

**原**周禮秋官雍氏掌殺草春始生而萌之

之若欲其化也則以水火變之注謂以火燒其所芟萌之草已而水之則其土亦和美

冬官司空

**原**周禮冬官考工記疏象冬所立官也是官名司空者冬閉藏萬物天子立司空使

掌邦事亦所以富立家使民無空者也

為弓

**增**周禮冬官弓人凡為弓冬析幹而春液角夏

液角則合夏治筋則不煩秋合三材則合寒奠體則張不流水析澗則審環春被弦則一年之事注三材膠絲漆奠讀為定至冬膠堅內之槩中定往來體大寒中下於槩中復內之朞月乃可用

鳥紀官

**增**左傳少皞氏之立也鳳鳥適至故紀于鳥為鳥師而鳥名鳳鳥氏歷正也元鳥氏司分

者也伯趙氏司至者也青鳥氏司啓者也丹鳥氏司閉者也注鳳知天時故以名歷正之官元鳥燕也以春分來秋分去伯趙伯勞也以夏至鳴冬至止青鳥鷓鴣也以立春鳴立夏止丹鳥鷺雉也以立秋來立冬去入大水為蜃上四鳥皆歷正之屬官

三務成功

**增**左傳慎其四竟結其四援民狎其野三務成功民無內憂而又無外懼國焉用城

注春夏秋三時之務

卜世卜年

**增**左傳成王定鼎于郊廓卜世三十卜年七百天所命也

月令輯要

卷一

歲令上

政典

三



順時刑賞

原左傳古之治民者勸賞而畏刑賞以春夏刑以秋冬  
注順天時

與人誦

原左傳子產從政一年與人誦之日取我衣冠而褚之取我田疇而伍之孰殺子產我其

與之及三年又誦之日我有子弟子產誨之我有田疇子產殖之子產而死誰其嗣之

卜征

增左傳先王卜征五年而歲習其祥祥則行不習則增修德而改卜  
疏習其祥謂去年吉今年

又吉也五年五吉歲歲因襲則先王然後行巡守也不習謂不習吉修德改行以六年為始又得五年吉

也乃行

九扈

原左傳九扈為九農正扈民無淫者也  
疏春扈分循相五土之宜趣民耕種者也夏扈竊元趣

民耘苗者也秋扈竊藍趣民收斂者也冬扈竊黃趣民蓋藏者也棘扈竊丹為果驅鳥者也行扈啗啗晝為民驅鳥者也宵扈噴噴夜為民驅獸者也桑扈竊脂為蠶驅雀者也老扈鷓鷓趣民收麥令不得晏起也者

五官配食五祀

增左傳五行之官是謂五官實列受

是尊是奉木正日句芒火正日祝融金正日蓐收水正日元冥土正日后土  
注五官之君長能修其業者死皆配食於五行之神正官長也取木生句曲而有芒角也其祀重焉祝融明貌其祀犁焉秋物摧蓐而可收其祀該焉秋陰而幽冥其祀修及熙焉土為羣物主故稱后其祀句龍焉



朝聘會盟

**增**左傳明王之制使諸侯歲聘以志業間朝以講禮再朝而會以示威再會而盟以

顯昭明注志識也歲聘修其職業三年一朝正班爵

之義率長幼之序六年一會以訓上下之則制財用

之節十二年一盟所以昭忠信也凡八聘四朝再會王一巡守盟於方嶽之下

雩禮

**原**左傳秋大雩疏始夏而雩者為純陽用事防

而求雨故亦曰雩增晉書禮志漢儀自立春至立夏

盡立秋郡國尚旱郡縣各掃除社稷其旱也公卿官

長以次行雩禮求雨閉諸陽衣阜興土龍立土人舞童二佾七日一變如故事

三時不害

**增**左傳聖王先成民而後致力於神故奉盛以告曰絜粢豐盛謂其三時不害而民

和年豐也注

三時春夏秋

蒐苗獮狩

**原**左傳春蒐夏苗秋獮冬狩皆於農隙以講事也注蒐索擇取不孕者苗為苗除害

也獮殺也順秋氣也狩圍守也冬物畢成獲則取之無所擇也

土功

**增**左傳凡土功龍見而畢務戒事也火見而致

晨見東方三務始畢戒民以土功事大火心星次角

亢見者致築作之物今十月定星昏而中於是樹板

幹而興作日南至微陽始動故土功息疏營室謂之定

藏冰出冰

**增**左傳夫冰以風壯而以風出其藏之也固其出之也徧則冬無愆陽夏無伏陰春



無淒風秋無苦雨雷出不震無  
蓄霜雹癘疫不降民不夭札

**首時**原公羊秋七月傳春秋雖無事首時過則書春  
秋編年四時具然後為年注春以正月為始夏

以四月為始秋以七月為始冬以十月為始歷一  
時無事則書其始月明王者當奉順四時之正也

**出田入保**增公羊傳初稅畝疏古者邑居秋冬之時  
入保城郭春夏之時出居田野漢書食貨

志春令民畢出在野冬則畢入於  
邑所以順陰陽備寇賊習禮文也

**三統**原論語所損益疏建子之月為正者謂之天統  
以天之陽氣始生為百物得陽氣微稍動變故

為天統建丑之月為統者以其物已吐芽不為天氣  
始動物又未出不得為人所施功惟在地中含養萌

牙故為地統建寅之月為統者以人物出於地人功  
當須修理故謂人統統者本也謂天地人之本然也

**農時**原孟子不違農時穀不可勝食也疏言使民無  
違奪其春耕夏耘秋收三時之要則五穀豐盛

饒穰雖勝食之  
多亦不可盡也

**斧斤以時**增孟子斧斤以時入山  
林材木不可勝用也

**省耕省斂**原孟子春省耕而補不足秋省斂而助不  
給疏春則省察民之耕而食不足者則補

之如周禮旅師春頒其粟是也秋則省察民之收而  
有力不足者則助之如遂師巡其稼穡而移用其民

以救時  
事是也



成事獻功

**增**國語秋而成事烝而獻功男女紡績憇

事冬祭而獻其功

除道成梁

**增**國語夏令曰九月除道十月成梁其時倣曰收而塲功侍而畚揭

習民數

**增**國語王治農於藉蒐於農隙耨獲亦於藉

田曰蒐蒐擇也禽獸懷妊未著秋乃取之也秋田曰獮獮殺也順時始殺也烝升也月令孟秋乃升穀天子嘗新既升謂仲秋也冬田日狩畢時時務畢也

朝日夕月

**原**國語昔者先王既有天下又崇立上帝明神而敬事之於是乎有朝日夕月以教

民事君**增**獨斷天子父事天母事地兄事日姊事月常以春分朝日於東門之外訓人民事君之道也秋夕夕月於西門之外別陰陽之義也

龍紀官

**增**家語太昊以龍紀官注伏羲以龍馬負圖

秋官為白龍冬官為黑龍中官為黃龍

火紀官

**增**家語炎帝以火紀官注炎帝王天下以有

秋官為西火冬官為北火中官為中火

雲紀官

**增**家語黃帝以雲紀官注黃帝王天下以有

雲瑞故以雲紀官春官青雲氏夏官緡雲氏



秋官白雲氏冬官黑雲氏中官黃雲氏

### 水紀官

**增**家語共工以水紀官注共工以諸侯竊保

官春官為東水夏官為南水秋官為西水冬官為北水中官為中水

### 育護天下

**增**家語高辛春夏秋冬育護天下日月所照風雨所至莫不從化

### 化若四時

**增**家語舜之為君也德若天地而靜虛化若四時而變物也是以四海承風暢於異

類鳳翔麟至鳥獸馴德

### 履四時

**增**家語夏后左準繩右規矩履四時據四海任臯陶伯益以贊其治與六師以征不庭四

極之民莫敢不服

### 祭五祀

**原**家語祭五祀者所以本事也注戶竈中雷門行也春戶以木夏竈以火中雷以土秋門

以金冬行以水各本其用事之神而祀之**增**白虎通祭五祀所以歲一徧何順五行也故春祭戶戶者人所出入亦春萬物始觸戶而出也夏祭竈者火之主也所以自養也夏亦火王長養萬物秋祭門門以閉藏自固也秋亦萬物成熟內備自守也冬祭井井者水之深藏任地中冬亦水王萬物伏藏六月祭中雷中雷者象土在中央也六月亦土王也

### 九天九地

**增**黃帝兵法戰鬪之法當從九天之上擊九地之下九天者春在青龍夏在朱雀秋

政典



在白虎冬在元武四神為九天其衡則九地也

**養陰陽**

**增**素問聖人春夏養陽秋冬養陰以從其根二氣常存**注**春食涼夏食寒以養陽秋食溫

冬食熱以養陰

**岐伯司天**

**原**古三墳軒轅政典皇曰岐伯天師爾司日月星辰陰陽曆數爾正爾考無有差貸

先時者殺不及時者殺爾惟戒哉

**五陣**

**增**逸周書兵凡有五陣春為牝陣弓為前行夏為方陣戟為前行季夏圓陣矛為前行秋為牡

陣劍為前行冬為伏陣楯為前行

**伐有四時**

**增**逸周書伐有四時一春違其農二夏食其穀三秋取其刈四冬凍其葆

**樹材木**

**原**逸周書陂溝道路藜苴丘墳不可樹穀者樹以材木春發枯槁夏發葉榮秋發實蔬冬

發薪蒸以匡窮困揖其民力相更為師因其土宜以為民資此謂仁德

**冬陽夏陰**

**原**逸周書王若欲求天下民先設其利而民自至譬之若冬日之陽夏日之陰不召

而民自來此謂歸德

**三信**

**原**逸周書三信一春生夏長無私民乃不迷二秋落冬殺有常政乃盛行三人治百物物德其

德是謂信極



將禮原六韜將冬不服裘夏不操扇天雨不張幔蓋是謂將禮將不身服禮無以知士卒寒暑也

文武法四時原管子法者法天地之位象四時之行以治天下四時之行有寒有暑聖人法

之故有文有武天地之位有前有後有左有右聖人法之以建經紀春生於左秋殺於右夏長於前冬藏於後生長之事文也收藏之事武也文事在左武事在右聖人法之以行法令以治事理也

施令審時原越絕書天下之君發號施令必順於四時四時不正則陰陽不調寒暑失常如此

則歲惡五穀不登聖王施令必審於四時此至禁也

不失時原荀子春耕夏耘秋收冬藏四者不失時故五穀不絕而百姓有餘食也汗池淵沼川澤

謹其時禁故魚鼈優多而百姓有餘用也斬伐養長不失其時故山林不童而百姓有餘材也

天曲日術增鶡冠子天用四時地用五行天子執一以居中央調以五音正以六律紀以度數

宰以刑德從本至末第以甲乙天始於元地始於朔四時始於歷故家里用提扁長用旬鄉師用節縣嗇夫用月郡大夫用氣分所至柱國用六律里五日報扁扁十日報鄉鄉十五日報縣縣三十日報郡郡四十五日報柱國柱國六十日以聞天子天子七十二日遣使勉有功罰不知此所以與天地總下情六十一上聞上惠七十二日一下究此天曲日術也

麇裘葛衣增韓非子堯王天下茅茨不剪采椽不斷冬日麇裘夏日葛衣



**瘞土**原呂氏春秋有年瘞土無年瘞土無失民時注瘞祭也

**四時之禁**原呂氏春秋四時之禁山不敢伐材下木澤人不敢灰僂繯網罟不敢出於門鼠

罟不敢入於淵澤非舟虞不敢緣名為害其時也

**迎日推策**增史記黃帝紀迎日推策注黃帝得著以推算曆數於是逆知節氣日辰之將來故

日推策迎日原通鑑帝學高辛氏歷日月而迎送之正義言作歷望晦朔日月未至而迎之過而送之

即迎日推策是也

**黃帝造曆得仙**增史記曆書昔者黃帝合而不死名察度驗定清濁起五部建氣物分數

註言黃帝造曆得仙合作也黃帝作曆曆終復始無窮已故曰不死清濁律聲之清濁也五部五行也天有四時為五行也氣二十四氣物萬物也分曆數之分也

**祠太一**增史記樂書祠太一甘泉使僮男僮女七十人俱歌春歌青陽夏歌朱明秋歌西皞冬歌

冥元

**時祠上帝山川**增史記封禪書高祖二年令縣為公社詔曰吾甚重祠而敬祭今上帝之

祭及山川諸神當祠者各以其時禮祠之如故

**迎年**原史記封禪書黃帝時為五城十二樓以候神人於執期命曰迎年注執期地名也迎年若言

月令輯要卷一歲令上政典



祈年

**枌榆社**

**增**史記封禪書高祖初起禱豐枌榆社後天

春以羊彘祠之

**七巫祠**

**增**史記封禪書高祖天下已定長安置祠祝

官女巫巫其梁巫祠天地天社天水房中堂上之屬晉巫祠五帝東君雲中司命巫社巫族人先炊之屬秦巫祠社主巫保族纍之屬荆巫祠堂下巫先司命施糜之屬九天巫祠九天皆以歲時祠宮中其河巫祠河於臨晉而南山巫祠南山秦中各有時月

**祠靈星**

**增**史記封禪書高祖詔御史其令郡國縣立靈星祠常以歲時祠以牛**原**後漢書禮儀志

龍星左角曰天田則農祥也晨見祠以牛號曰靈星

**歲祠名山大川**

**增**史記封禪書秦并天下令祠官常

奉名山大川鬼神於是自殺以東名山五大川祠二曰太室太室嵩高也恒山泰山會稽湘山水曰濟曰淮春以醑酒為歲祠因泮凍秋涸凍冬賽禱祠其牲用牛犢各一牢具珪幣各異自華以西名山七名川四曰華山薄山者襄山也岳山岐山吳岳鴻冢瀆山瀆山蜀之汶山也水曰河祠臨晉沔祠漢中湫淵祠朝那江水祠蜀亦春秋泮涸禱賽如東方名山川而牲牛犢牢具珪幣各異

**歲祠百廟諸神**

**增**史記封禪書雍有日月參辰南北斗熒惑太白歲星填星二十八宿風



伯雨師四海九臣十四臣諸布諸嚴諸述之屬百有餘廟西亦有數十祠於湖有周天子祠於下邳有天神澧澆有昭明天子辟池於社亳有三社主之祠壽星祠而雍管廟亦有杜主杜主故周之右將軍其在秦中最小鬼之神者各以歲時奉之

**祭天地五時**增史記封禪書三歲一郊註漢舊儀云元年祭天二年祭地三年祭五時三歲

一遍皇帝自行也

**祠三神**增史記封禪書人有上書言古者天子三年壹用太牢祠神三一天一地一太一天子許

之令太祝領祠之于太一壇

**雍四時**增史記封禪書雍四時春以為歲禱因泮凍秋涸凍冬養祠五月嘗駒及四仲之月祠若

月祠陳寶節來一祠春夏用駢秋冬用駢時駒四匹木禺龍樂車一駟木禺車馬一駟各如其帝色黃犢羔各四珪幣各有數皆生瘞埋無俎豆之具

**宰相所主**原史記陳丞相世家孝文皇帝問右丞相

勃曰天下一歲決獄幾何勃謝曰不知問天下一歲錢穀出入幾何勃又謝不知於是上亦問左丞相平曰有主者上曰苟各有主者而君所主者何事也平謝曰宰相者上佐天子理陰陽順四時下育萬物之宜使卿大夫各得任其職焉

**膾臘**原漢書武帝紀太初二年春三月膾臘五日祠門戶比臘注漢儀注立秋驅膾膾祭名也驅虎屬

用今輯要卷一歲令上政典



常以立秋日祭獸王者亦以此日出獵還以祭宗廟故有驅牒之祭也臘者冬至後臘祭百神也

**更賦**原漢書昭帝紀三年以前逋更賦未入者皆勿收注更有三品有卒更有踐更有過更古者正卒無常人皆當迭為之一月一更是謂卒更也貧者欲得顧更錢者次直者出錢顧之月二千是謂踐更也天下人皆直戍邊三日雖丞相子亦在戍邊之調不可人人自行三日戍又行者當自戍三日不可往更還因更住一歲一更諸不行者出錢三百入官官以給戍者是謂過更也

**三服官**原漢書元帝紀初元五年詔罷三服官注齊國舊有三服之官春獻冠幘縱為首服絹素為冬服輕絹為夏服凡三

**順月令**原漢書成帝紀陽朔二年春寒詔曰昔在帝堯立羲和之官命以四時之事令不失其序故書云黎民於變時雍明以陰陽為本也今公卿大夫所奏請多違時政其務順四時月令又李尋傳古之王者尊天地重陰陽敬四時嚴月令順之以善政則和氣可立致猶枹鼓之相應也

**祝宗**原漢書郊祀志使先聖之後能知山川敬於禮儀明神之事者以為祝能知四時儀牲壇場上下氏姓所出者以為宗

**祠社稷**增漢書郊祀志高祖十年春有司請令縣常以祠原後漢書祭祀志建武二年立大社稷於雒陽

在宗廟之右方壇無屋有墻門而已二月八月及臘



一歲三祠皆太牢具使有司祠

**祠八神**

原漢書郊祀志

一日天主祠天齊二日地主

三山五日陽主祠之罘山六日月主祠之萊山七日

日主祠盛山八日四時主祠琅邪琅邪在齊東北蓋

所始

**書板言事**增漢書禮儀志冬夏至八能士書板言事封以阜囊送西陛跪授尚書

**太初曆**

原漢書律曆志詔用鄧平所造八十一分律曆罷廢尤疎遠者十七家復使校歷律昏明

淳于陵渠覆太初曆晦朔弦望皆最密日月如合璧五星如連珠陵渠奏狀遂用鄧平歷

**三統歷**

原漢書律曆志孝成世劉向總六歷列是非作五紀論向子歆究其微眇作三統歷

**四鈞**

原漢書律曆志四鈞為石者四時之象也重百二十斤者十二月之象也

**代田**

原漢書食貨志武帝以趙過為搜粟都尉過能為代田一晦三畊歲代處故曰代田注代易也

**法天立道**

原漢書董仲舒傳天者羣物之祖也故徧覆包函而無所殊建日月風雨以和之經

陰陽寒暑以成之故聖人法天而立道亦溥愛而亡私布德施仁以厚之設誼立禮以導之春者天之所

以生也仁者君之所以愛也夏者天之所以長也德者君之所以養也霜者天之所以殺也刑者君之所

也

也

一歲令上

政典

三



勸民農桑

**增**漢書龔遂傳遂為渤海太守見齊俗奢侈好末技不田作乃躬率以儉約勸民務

農桑春夏不得不趨田畝秋冬課收斂益畜果實菱芡勞來循行郡中皆有蓄積吏民皆富實

四時服御

**原**漢書魏相傳高皇帝令羣臣議天子所服以安治天下中謁者趙堯舉春李舜舉

夏兒湯舉秋貢禹舉冬四人各職一時**注**主一時衣服禮物朝祭百事也**增**李德裕正服箴聖人作服法

象可觀四時所御各有其官非此勿服惟辟為難

旬歲

**原**漢書翟方進傳方進為丞相司直旬歲間免兩司隸朝廷由是憚之**注**旬歲猶言滿歲

春秋鄉射

**增**漢書韓延壽傳為東郡太守修治學宮春秋鄉射陳鐘鼓管弦盛升降揖讓及都

試講武習射御之事歌者先居射室延壽坐射室騎士從者帶弓韃羅後

調露樂

**原**樂動聲儀時元氣者受氣於天布之於地以時出入物者也四時之節動靜各有分職

不得相越謂調露之樂也**注**調露調和致甘露也使物茂長之樂**增**舊唐書音樂志始奏承雲娛帝賞復

歌調露暢韶英

太陰治時

**增**淮南子太陰治春則欲行柔惠溫良太陰治夏則欲布施宣明太陰治秋則欲修

備繕兵太陰治冬則欲猛毅剛強三歲而改節六歲而易常

體太一

**原**淮南子體太一者牢籠天地彈壓山川含吐陰陽申洩四時紀綱八極經緯六合覆露

政典

歲令上

政典

三



照導普汜而無私翮飛  
蠕動莫不仰德而生

**政成化行**原孔叢子子順曰先君初相魯魯人謗誦  
曰麇裘而芾投之無戾芾之麇裘投之無

郵及三年政成化既行民又作誦曰袞  
衣章甫實獲我所章甫袞衣惠我無私

**懸弧**增賈誼新書懸弧之禮義東方之弧以梧梧者  
東方之草春木也其牲以雞南方之弧以柳柳

者南方之草夏木也其牲以狗中央之弧以桑桑者  
中央之木也其牲以牛西方之弧以棘棘者西方之

草秋木也其牲以羊北方之弧以棗  
棗者北方之草冬木也其牲以菘

**薦新**增春秋繁露五穀食物之性也天之所以為賜  
人也四時之所成受賜而薦之宗廟敬之性也

春上豆寔夏上尊寔秋上机寔冬上敦寔豆寔韭也  
春之所始生也尊寔麵也夏之所初受也机寔黍也

秋之所先成也敦寔稻也冬之所畢寔也獨斷薦考  
妣於適寢之所祭春薦韭卯夏薦麥魚秋薦黍豚冬

薦稻雁制無常牲取與新物相宜宋史禮志禮官宗  
正條定每歲春孟月薦蔬以韭以菘配以卯仲月薦

冰季月薦蔬以筍果以含桃夏孟月嘗麥配以菘夏  
仲月薦果以瓜以來禽夏季月薦果以芡以芡秋孟

月嘗栗嘗糝配以雞果以棗以梨秋仲月嘗酒嘗稻  
蔬以芡筍秋季月嘗豆嘗蕎麥冬孟月羞以兔果以

栗蔬以藟藟冬季月羞以魚  
雁以麇冬季月羞以魚

**仁義德刑**增春秋繁露聖人春修仁而求善秋修義  
而求惡冬修刑而致清夏修德而致寬所



以順天地體陰陽

路車取象

**增**大戴禮古之為路車也蓋圓以象天二十八

象月故仰則觀天文俯則察地理前視則睹鸞和之聲側聽則觀四時之運

陽貴陰賤

**原**說苑夫水旱俱天下陰陽所為也大旱則雩祭而請雨大水則鳴鼓而劫社何也

日陽者陰之長也陽貴而陰賤陽尊而陰卑天之道也今大旱者陽氣太盛以厭於陰陰不能起亦雩祭拜請而已無敢加也至於大水及日蝕者皆陰氣太盛而上減陽精以賤乘貴以卑陵尊故鳴鼓而懾之朱絲縈而劫之

耕桑倍力

**增**韓詩外傳名伯出就蒸庶於阡陌隴畝之間而聽斷焉廬於樹下百姓大悅耕桑

者倍力以勸於是歲大稔民給家足

鼓用皮革

**原**易通卦驗冬至鼓用馬革圓徑八尺一寸夏至鼓用牛皮圓徑五尺七寸

類牛離類

視星知緩急

**增**尚書考靈曜主春者鳥星昏中可以種稷主夏者心星昏中可以種黍主秋

者虛星昏中可以種麥主冬者昴星昏中則入山可以斬伐具器械王者南面而坐視四星之中者而知民之緩急急則不賦力役



八方分音

**增**樂緯坎主冬至樂用管艮主立春樂用

主夏至樂用絃坤主立秋樂用磬兌主秋分  
樂用鐘乾主立冬樂用柷敵此八方之音

五政

**增**孝經鈞命決春政不失五穀蘖初夏政不失

冬政不失少疾喪五政不失百穀稚熟日月光明

四時聖則

**原**鹽鐵論江都相董生推言陰陽四時相

繼父生之子養之母成之子藏之故春生  
仁夏長德秋成義冬藏禮此四時之序聖人之所則也

灼龜

**原**三禮圖龜以上春灼後左夏  
灼前左秋灼前右冬灼後右

居寢從時候

**增**三禮義宗天子諸侯宮寢之制若春

北之寢三月之末土王之白則居中寢夏之三月則  
居東南之寢秋之三月則居西南之寢冬之三月則  
居西北之寢此三時後土王之日亦各居中寢以從時候

門法五行四時

**增**三禮義宗天子九門法陽九之義  
宮門有五法五行外門有四法四時

蜡樂

**增**三禮義宗大蜡盡天地四時之  
神而祭之其樂亦盡用四時之調

間祀

**原**後漢書章帝紀有司奏言孝明皇帝宜尊廟  
日顯宗其四時禘祫於光武之堂間祀悉還更

衣**注**四時正祭外有五月嘗麥三伏立秋嘗棗  
盛耐十月嘗稻等謂之間祀即各於更衣之殿



星官書

**原**後漢書天文志軒轅始受河圖鬪苞授規日月星辰之象故星官之書自黃帝始

葭灰候氣

**增**後漢書律歷志候氣之法為室三重戶閉塗爨必周密布緹縵室中以木為案每

律各一內庠外高從其方位加律其上以葭莩灰抑其內端案曆而候之氣至者灰去其為氣所動者其灰散人及風所動者其灰聚殿中候用玉律十二惟二至乃候靈臺用竹律六十

聽樂均

**原**後漢書律歷志天子常以冬夏日至御前殿合八能之士陳八音聽樂均度晷景候鍾

律權土灰放陰陽冬至陽氣應則樂均清景長極黃鍾通土灰輕而衡仰夏至陰氣應則樂均濁景短極蕤賓通土灰重而衡低

大撓作甲子

**原**後漢書律歷志記稱大撓作甲子隸首作數二者既立以比日表以管萬事

**注**大撓探五行之情占斗綱所建始作甲乙以名日謂之幹作子丑以名日謂之枝枝幹相配以成六旬

乾象法

**原**後漢書律歷志注元和中穀城門候劉洪始悟四分於天疏濶更以五百八十九為紀

法百四十五為斗分而造乾象法又制遲疾曆以步月行方於太初四分轉精密矣

四分曆

**原**後漢書律歷志論章帝徵能術者課校諸曆定朔稽元追漢三十五年庚辰之歲追朔

一日乃與天合以為四分曆元

四時加祭

**增**後漢書祭祀志光武帝建武二年雒陽高廟四時加祭孝宣孝元凡五帝其西廟

月令輯要

卷一

歲令上

政典

七



成哀平三帝王四時祭於故高廟東廟京兆尹侍祠冠衣車服如太常祠陵廟之禮南頓君以上至節侯皆就園廟在所郡縣侍祠

**時禘**增後漢書祭祀志建武二年立高廟於洛陽四月及臘一歲五祀

**雒陽五郊**增後漢書祭祀志明帝永平二年以禮識及月令有五郊迎氣服色因采元始故事

兆五郊於雒陽立春日迎春於東郊祭青帝勾芒立夏日迎夏於南郊祭赤帝祝融先立秋十八日迎黃靈於中兆祭黃帝后土立秋日迎秋於西郊祭白帝蓐收立冬日迎冬於北郊祭黑帝元冥

**上計**增後漢書百官志刺史初歲盡詣京都奏事中興但因計吏郡國常以春行縣勸民農桑振救

乏絕秋冬遣無害吏案訊諸囚平其罪法論課殿最歲盡遣吏上計令長秋冬集課上計於所屬郡國

**朝請**原後漢書百官志列侯奉朝請在長安者位次三公注春日朝秋日請

**四時上簿**增後漢書百官志大司農掌諸錢穀金帛諸貨幣郡國四時上月旦見錢穀簿其逋

未畢各具別之

**太史掌奏**增後漢書百官志太史令掌天時星曆凡歲將終奏新年曆凡國祭祀喪娶之事掌

奏良日及時節禁忌國有瑞應災異掌記之



**五時服**原後漢書禮儀志立春京師百官衣青立夏

衣赤先立秋十八日衣黃立秋衣白立冬衣

皂冬至衣絳名爲五時服

**上雨澤**增後漢書禮儀志自立春至立夏盡立秋郡國上雨澤

**賜束帛**增後漢書禮儀志立秋遣使者賚束帛賜武官立春遣使賚束帛賜文官

**案驗刑獄**增後漢書魯恭傳初和帝末令麥秋得案驗薄刑而州郡好以苛察爲政因此遂盛夏斷獄恭上疏日月令孟夏斷薄刑出輕繫又曰仲夏挺重囚益其食夫斷薄刑者謂其輕罪已正不欲令久繫故時斷之也臣愚以爲今孟夏之制可從此令其決獄案考皆以立秋爲斷以順時節育成萬物

**北斗喉舌**原後漢書李固傳固對策曰陛下之有尚書猶天之有喉舌也斗爲天喉舌尚書亦

爲陛下喉舌斗斟酌元氣運乎四時尚書出納王命賦政四海

**春秋饗射**增後漢書儒林傳劉昆教授子弟每春秋

蒿矢以射菟首行禮縣宰率吏屬觀之

**歲貢士**原後漢書蔡邕傳古者取士必使諸侯歲貢

貢士一適謂之攸好德再適謂之賢賢三適謂之有功注云適猶得也

**休遣徒繫**增司馬彪續漢書虞延除細陽令每至歲時伏臘休遣徒繫各使還家竝感其恩應

月令輯要卷一歲令上政典



期歸

**明堂**

**原**白虎通明堂上圓下方八窓四闈布政之宮在國之陽上圓法天下方法地八窓象八風四

闈法四時九室法九州十二坐法十二月三十六戶法三十六雨七十二牖法七十二風

**增**漢李尤明堂銘布政之堂上圓下方體則天地在國正陽窓闈四設流水洋洋順節行化各居其房春恤幼孤夏進賢

良秋厲武人冬謹關梁魏書逸士李謚傳天子行事一年十八度入明堂大饗不問卜一入也每月告朔

十二入也四時迎氣四入也巡守之年一入也

**冕皞收**

**增**白虎通禮曰周冕而祭又曰殷皞夏收而祭此三代宗廟之冠也十一月之時陽氣冕

仰黃泉之下萬物被施前冕後仰故謂之冕謂之皞者十二月時施氣受化詡張而後得牙故謂之詡謂之收者十三月之時氣收本舉生萬物而達出之故謂之收

**扶助微氣**

**增**白虎通至日所以休兵不興事閉關商旅不行何此日陰陽氣微王者承天理物

故率天下靜不復行役以扶助微氣成萬物也

**春求秋報**

**增**白虎通社稷者乃陰陽中和之氣而用尤多故為長也歲再祭何春求秋報義也

**四孟登臺**

**增**三輔故事漢作靈臺於城東常以四孟之月登臺而觀

**食舉樂**

**增**薛瑩書建初二年太常樂丞鮑鄴上言王者飲食必道須四時五味故有食舉之樂所



以順天地養神明求福應也今官樂但有太簇皆不應月律可作十二月均各應其月氣乃能感天地和氣宣

**樂章別名**原獨斷宗廟所歌施之別名思文一章祀

於上帝所歌也豐年一章蒸嘗秋冬所歌也潛一章季冬薦魚春獻鮪所歌也載芟一章春籍田祈社稷

所歌也良耜一章秋報社稷所歌也

**六祝**原獨斷大祝掌六祝之辭順祝願豐年也年祝

求永真也告祝祈福祥也化祝弭災兵也瑞祝逆時雨寧風旱也策祝遠罪病也

**月朝**原獨斷舊儀三公以下月朝後省常以六月朔為正月十月朔旦朝後又以盛暑省六月朝故今獨以

月朔朝也

**廟祭**原獨斷天子之廟七諸侯之廟五皆月祭之大

祭之府史以下及庶人皆無廟四時祭於寢也

**上飯**原獨斷洛陽諸陵皆以晦望二

**承天順時**原蔡邕明堂月令論明堂者謹承天順時

起養老敬長之義顯教幼誨穉之學朝諸侯選造士於其中以明制度故為大教之宮而四學具焉官司

政典



焉備

### 出軍暨牙

**增**抱朴子凡始出軍暨牙春出城西門令

出北門令牙門北向出時令登明大吉加東方吉夏

出東門令牙門東向出時令登明大吉加南方吉秋

吉冬出南門令牙門南向出時令神后登明大吉加西方

令神后登明大吉加北方吉

春秋零

**增**論衡春二月零秋八月亦零春祈穀雨秋祈穀實

### 迎氣樂

**增**皇覽迎氣四時之樂唱以角徵商羽春唱

角舞羽翟夏唱徵舞鼓靴秋唱商舞干戚冬

唱羽舞

干戈

冬布夏練

**增**晉書元帝紀有司嘗奏太極殿廣室施

絳帳帝曰漢文集上書阜囊為帷遂令冬

施青布夏施青練帷帳

### 讀五時令

**增**晉書禮志漢儀太史每歲上其年歷先

立春立夏大暑立秋立冬嘗讀五時令皇

帝所服各隨五時之色帝升御坐尚書令以下就席

位尚書三公郎以令置按上奉以入就席伏讀訖賜

酒一卮唐書禮樂志自仲春以後每月各居其位皆

冠通天服玉之色如其時若四時之孟月及季夏土



歲舉優劣

原晉書杜預傳預受詔為黜陟之課其略曰科舉優劣莫若委任達官各考所統在

官一年以後每歲言優者一人為上第劣者一人為下第因計借以名聞如此六載主者總集採按其六歲處優舉者超用之六歲處劣舉者奏免之其優多劣少者敘用之劣多優少者左遷之

表年首事

原杜預春秋序春秋者魯史記之名也記事者必表年以首事年有四時故錯舉以

為所記之名也

農月停遷

增山公啟事晉制春夏農月不遷改長吏郡守縣令之屬以其妨農事故也

賜絹

增晉公卿禮秩品第一者春賜絹百匹秋賜絹二百匹

順時養物

增劉勰新論先王之治上順天時下養萬物草木昆蟲不失其所獺未祭魚不施網

罟豺未祭獸不修田獵鷹隼未擊不張罽羅霜露未霑不伐草木

橘稅

原述異記越多橘柚園歲出橘稅名曰橘籍吳闕澤表曰請除臣之橘籍

歲終考課

增魏書肅宗紀孝昌元年詔勸善黜惡經國茂典其令每歲一終郡守列令長刺史

列守相以定考課辨其能否若有濫謬以考功失衷論

輪扇候氣

原隋書律曆志後齊參軍信都芳為輪扇二十四埋地中以測二十四氣每一氣感

則一扇自動他扇竝住與管灰相應若符契焉



四通月氣

原隋書音樂志梁武帝素善鍾律立為四器名之為通每通皆施三絃一曰玄英通

二曰青陽通三曰朱明通四曰白藏通因以通聲轉推月氣悉無差違又制為十二笛以寫通聲於是被以八音施以七聲莫不和韻

十二卿

增隋書百官志諸卿梁初猶依宋齊皆無卿名天監七年以太常為太常卿加置宗正卿

以大司農為司農卿三卿是為春卿加置太府卿以少府為少府卿加置太僕卿三卿是為夏卿以衛尉為衛尉卿廷尉為廷尉卿將作大匠為大匠卿三卿是為秋卿以光勳為光祿卿大鴻臚為鴻臚卿都水使者為大舟卿三卿是為冬卿凡十二卿皆置丞及功曹主簿

課入農桑

增隋書食貨志河清三年定令每歲春月各依鄉土早晚課入農桑自春及秋男二

十五以上皆布田畝蠶桑之月婦女十五以上皆營蠶桑孟冬刺史聽審邦教之優劣定殿最之科品人有人力無牛或有牛無力者須令相便皆得納種使地無遺利人無游手焉

停牲牢

增舊唐書明皇紀開元十一年令春秋之時釋奠諸州宜依舊用牲牢其屬縣用酒脯而

已十九年天下州府春秋二時社及釋奠停牲牢唯用酒脯永為常式

供奉儀式

增舊唐書百官志殿中侍御史掌殿供奉之儀式凡冬至元正大朝會則具服升殿

若郊祀巡幸則於鹵簿中紮察非違具服從於旌門視文物有所虧闕則紮之



**脩享諸陵**

增舊唐書百官志太常寺諸陵署凡朔望元正冬至皆脩享於諸陵

**起居注**

增舊唐書百官志門下省起居郎掌起居注錄天子之言動法度以修記事之史凡記事

之制以事繫日以日繫月以月繫時以時繫年必書其朔日甲乙以紀曆數

**奏聞祥瑞**

增舊唐書百官志門下侍郎掌貳侍中之職凡元旦冬至天子視朝則以天下祥瑞

奏聞

**三公巡陵**

增舊唐書百官志凡二分之月三公巡行山陵則太常卿為之副李氏刊誤唐開元

禮春秋二仲月司徒司空巡陵春則掃除枯朽秋則芟蕪繁蕪掃除者當發生之時欲使茂盛也芟蕪者

當秋殺之時除去擁蔽且慮火災也

**歲序還往**

增舊唐書張建封傳貞元十三年詔曰比來朝官或諸處過從金吾皆有上聞其間

如素是親故或會同僚友伏臘歲序時有還往亦是常禮人情所通起今已後金吾不須聞

**水運渾天**

增唐書天文志開元十一年明皇詔一行等鑄渾天銅儀員天之象具列宿赤道及

周天度數又注水激輪令其自轉一晝一夜而天運周外絡二輪綴以日月令得運行每天西旋一周日

東行一度月行十三度之七二十九轉有餘而日月會三百六十五轉而日周天以水櫃為地平令儀半

在地上半在地下晦朔弦望遲速有準立木人二於地平上其一前置鼓以候刻至一刻則自擊之其一



前置鐘以候辰至一辰亦自撞之皆於櫃中各施輪軸鈎鍵關鎖交錯相持置於武成殿前以示百官當時稱其妙命之日水運渾天

**薦陵**

**原**唐書禮樂志開元二十年詔建初啓運興寧永康陵歲四時八節所司與陵署具進食天寶

二年始以九月朔薦衣於諸陵又常以寒食薦餉粥雞毬雷車五月五日薦衣扇

**六祀**

**增**唐書禮樂志立春後丑日祀風師立夏後申日祀雨師立秋後辰日祀靈星立冬後亥日祀

司中司命司人司祿季夏土王之日祭中霤孟冬祭司寒皆一獻

**配祀**

**增**唐書禮樂志唐武德中冬至及孟夏雩祭皇地祇於方丘神州地祇於北郊以景帝配而上

辛祈穀祀感生帝於南郊祀五方天帝於明堂以元帝配

**孔廟丁祭**

**增**唐書禮樂志太宗貞觀四年詔州縣學皆作孔子廟二十一年詔左丘明等二十

二人皆配享之玄宗開元二十八年詔春秋二仲上丁祭之

**尚父廟**

**增**唐書禮樂志開元十九年始置太公尚父廟以留侯張良配中春中秋上戊祭之牲樂

之制如文宣出師命將發日引辭於廟仍以古名將十人爲十哲配享又肅宗紀上元元年諡太公爲武

成王元史祭祀志武成王立廟於樞密院公堂之西每歲春秋二仲上戊日遣官行禮

**五官正**

**增**唐書百官志春官夏官秋官冬官中官各一人掌司四時各司其方之變異冠加一星



珠以應五緯衣從其方色元日冬至朔望朝會及大禮各奏方事而服以朝見王融策秀才文五正置於朱宣下民不忒九工開於黃序庶績其凝

**月獻** 增唐書百官志中尚署令歲二月獻牙尺寒食

日獻口脂唯筆琴瑟絃月獻

**集賢課最** 增唐書百官志集賢殿書院學士直學士侍讀學士修撰官掌刊緝經籍凡承旨撰

集文章校理經籍月終則進課於內歲終則攷最於外

**三工** 原唐書百官志凡工匠以州縣為團五人為火

五火置長一人四月至七月為長工二月三月

八月九月為中工十月至正月為短工

**兩稅** 原唐書食貨志德宗相楊炎作兩稅法夏輸無

過六月秋輸無過十一月置兩稅使以總之

**青苗錢** 原唐書食貨志大曆元年詔天下苗一畝稅

錢十五市輕貨給百官手力課以國用急不及秋方苗青即

征之號青苗錢

**租庸調** 原唐書食貨志凡授田者丁歲輸粟二斛稻

三斛謂之租丁隨鄉所出歲輸絹二匹綾絕二丈布加五之一綿三兩麻三斤謂之調用人工力歲二十日加二日不役者日為絹三尺謂之庸

**白簿黃籍** 原唐書食貨志州縣職田公廨田每六月

以白簿上尚書省覆實至十月輸送則有

月令輯要卷一歲令上政典



黃籍歲

一易之

**停刑**

**原**唐書刑法志武德二年頒新格五十三條凡斷屠日及正月五月九月不行刑**增**又貞觀中

每歲立春至秋及大祭祀致齋朔望上下弦二

十四氣雨及夜未明假日斷屠日皆停死刑

**置員象時節****增**唐書李適傳中宗景龍二年始作修文館置大學士四員學士八員直學士

十二員象四時

八節十二月

**春秋射禮**

**增**唐書源乾曜傳景雲後公卿百官上巳九日廢射禮乾曜以為古之擇士先觀射

禮非取一時樂也夫射者別邪正觀德行中祭祀辟寇戎宜春秋不可廢

**四時聽選**

**增**唐書劉祥道傳唐沿隋制十一月選集至春停日薄事叢有司不及研諦祥道父

林甫建請四時聽選隨到輒擬於是官無滯人**玉海**

乾德二年詔流內銓聽四時參選不俟冬集仍命陶

穀等重詳定循資格及四時參選條

**力耕歲稔**

**原**唐書張儉傳儉檢校代州勸墾田力耕歲數稔私蓄富實

**九宮壇**

**增**唐會要九宮壇以四孟隨歲改位行棋謂之飛位

**義倉**

**增**唐會要隋開皇之制天下輸粟謂之社倉及大業中取充官費今請自王公以下計墾田秋

熟所在為義倉歲凶以給民太宗善之乃詔畝歲二升粟麥秔稻隨地所宜寬鄉斂以所種狹鄉據青苗

月令輯要

卷一

歲令上

政典

三



簿而督之耗十四者免其半耗十七者皆免之商賈無田者以其戶為九等出粟自五石至五斗為差下戶不取焉歲不登以賑民或貸為種子至秋而償

**常平倉**

**增**唐會要貞觀十三年詔於洛相幽徐齊并秦蒲州置常平倉粟藏九年米藏五年下濕之地粟藏五年米藏三年皆著於令

**一歲四祭**

**增**通典周制四坎壇祭四方以血祭祭五岳以埋沈祭山林川澤一歲凡四祭一者謂盈氣時二者郊天時三者大雩時四者大蜡時皆因以祭之

**槐瑟桑琴**

**原**通典人君冬至日使八能之士鼓黃鍾之琴瑟用槐木長八尺一寸夏至日琴用

桑木長五尺七寸**注**槐取氣上桑取氣下也

**五時迎氣**

**增**通典王者必五時迎氣者以示人奉承天道從時訓人之義故月令於四立日及季夏土德王日各迎其王氣之神於其郊其配祭以五人帝春以太皞夏以炎帝季夏以黃帝秋以少昊冬以顓頊

**六禮板**

**增**通典凡六禮板長尺二寸以應十二月博四寸以象四時厚八分以象八節皆真書

**每歲察舉**

**增**通典後漢光武十二年詔三公舉茂材各一人廉吏各一人左右將軍歲察廉吏各二人光祿歲舉郎茂材四行各一人察廉吏三人中二千石歲察廉吏各一人廷尉大司農二人將兵



將軍歲察廉吏各二人監御史  
司隸州牧歲舉茂材各一人

**國學立廟**增**通鑑**唐武德二年於國子學立  
周公孔子廟各一所四時致祭

**春秋發使**增**通鑑**唐龍朔初置兩臺每年春秋發使  
春日風俗秋日廉察令地官尚書韋方質

為條例刪定為四  
十八條以察州縣

**定物價**增**通鑑**諸司市常以四仲月  
實定所掌為物上中下之價

**調歷**原**通鑑**黃帝問鬼臯對曰天以六節地以五  
制用天氣者六期為備終地紀者五歲為周五

六合者歲三千七百二十氣為一紀六十歲千四百  
四十氣為一周太過不及斯以見矣乃因五量治五

氣起消息察發歛以作調歷歲  
紀甲寅日紀甲子而時節定

**容成作蓋天**原**通鑑**黃帝命容成作蓋天以  
象周天之形綜六術以定氣運

**不數赦**原**通鑑**貞觀二年上謂侍臣曰赦者小人之  
幸君子之不幸一歲再赦善人喑啞夫養稂

莠者害嘉穀赦有罪者賊良民故朕即位以  
來不欲數赦恐小人恃之輕犯憲章故也

**官健團結**增**通鑑**大曆十二年五月詔定諸州兵皆  
有常數其名募給家糧春冬衣者謂之官

健差點土人春夏歸農秋冬追  
集給身糧醬菜者謂之團結

**減歲入**增**通鑑**會昌五年九月太尉李德裕請置令  
戶部歲入錢帛十二萬緡正度支鹽鐵歲入



十三萬緡正明年減其三之一凡諸道所進助軍財貨皆入焉以度支郎中判之

**均田**增五代史周世宗紀嘗夜讀書見元稹均田圖嘆曰此致治之本也詔頒其圖法使吏民先習

知之期以一歲大均天下之田

**五賦**增宋史食貨志歲賦其類有五曰公田之賦曰民田之賦曰城郭之賦曰雜變之賦曰丁口之

賦凡賦入州縣有籍歲一置謂之空行簿以待歲中催科閏年別置謂之實行簿藏有司

**廣惠倉**增仁宗實錄嘉祐二年詔天下置廣惠倉歲給其所支納上三司三年二月詔三京諸州

軍自今年終應戶絕納官田土未賣者並撥隸廣惠倉詔三司以天下廣惠倉隸司農寺逐州幕職曹官

各一員專監每年十月分差官檢視老幼貧疾不能自存之人籍定姓名自次月一日人給米一升幼者半之三日一給至明年二月止有餘卽量大小均給之

**歲造兵械**增曾鞏政要策國工有南北作坊歲造甲

床子弩凡三萬二千又有弓弩院歲造弓弩箭弦鏃等凡千六百五十餘萬諸州歲造弓弩箭劍甲鏐鏃等凡六百二十餘萬又別造什器凡諸兵械置五庫以貯之戎具精勁近古未有

**分年試經義**增朱子學校貢舉私議今欲以易書詩

為一科而子年年試之周禮儀禮及二戴之禮為一科而卯年試之春秋及三傳為一科而酉年試之諸經皆兼大學論語中庸孟子論則分



諸子為四科而分年以附焉策則諸史時務亦然則士無不通之經無不習之史而皆可為當世之用矣

**祭用分至**

**增**朱子家禮集說祭用二分二至程子曰時祭用仲月前期詣祠堂以玆环卜日余

謂卜日無定慮有不虔温公曰孟詵家祭用二分二至若不暇卜日則止依孟儀用分至於事為便也

**歷代曆名**

**原**春明退朝錄上古以來逐朝曆名黃帝起元用辛卯曆顓帝用乙卯曆虞用戊午

曆夏用丙寅曆成湯用甲寅曆周用丁巳曆魯用庚子曆秦用乙卯曆漢用太初曆四分曆三統曆魏用

黃初曆景初曆晉用正始曆合元萬分曆宋用大明曆元嘉曆齊用天保曆同章曆正象曆後魏用興和

曆正元曆正象曆梁用大同曆乾象曆永昌曆後周用天和曆丙寅曆明元曆隋用甲子曆開皇曆皇極

曆大業曆唐用戊寅曆麟德曆神龍曆大衍曆元和

觀象曆長慶宣明曆寶應曆正元曆景福崇元曆晉

天福用調元曆周顯德用欽天曆宋用

應天曆乾元曆宜天曆崇天曆明天曆

**茶租錢**

**原**玉海嘉祐四年二月己巳詔開江淮茶禁聽民自賣通商收稅罷十三山場六榷務歲

輸不過三十三萬有奇謂之茶租錢以歲課均賦於茶戶

**社倉**

**原**玉海乾道四年戊子建人大饑朱子居崇安請於郡得粟六百萬斛賑民是冬有年民以粟

償官因留里中而上其籍於府明年夏又請做古法

為社倉以儲之歲一斂散既以紓民之急又得易新

以藏俾願貸者出息什二歲小饑則弛半息大稔則

盡蠲之為倉三經始於七年五月而成於八月既成



因為之記

宗正上籍

**增**玉海漢宗正有郡國歲計上籍之文劉向以高材進對

宗室進士

**增**玉海唐宗正寺歲送進士二十人與國子監京兆府相比李程李肱皆為舉首

春夏賑

**增**玉海嘉祐二年樞密使韓琦請罷鬻諸路戶絕田募民承佃以夏秋所輸租課每年春

夏以賑老幼貧疾

日曆

**增**山堂考索日記起居則為起居注月記時政則為時政記排次起居時政則謂之日曆總集

日曆則為一朝實錄積集累朝實錄則為一代全史

定太陽出沒法

**原**漏刻經正月出乙入庚方二八出

寅入犬藏五月生艮歸乾上仲冬出巽入坤方惟有十與十二月出辰入申仔細詳

春秋運

**增**金史河渠志春運以冰消行暑雨畢秋運以八月行冰凝畢

授時曆

**原**元史曆志授時曆以至元辛巳為元所用之數一本諸天杪而分分而刻刻而日皆以

百為率比之他曆積年日法推演附會出於人為者為得自然

貸民種豆

**增**續文獻通考宋程珣知沛縣會久雨平原出水穀既不登晚種不入珣計可耕而

種時已過乃募富室得豆數千石以貸民使布之水未盡涸而甲巳露矣是年遂不艱食



帝王廟原續文獻通考洪武間始建帝王廟於南京

後復擇古名臣三十七人從祀兩廡每歲郊祀時既附祭歷代帝王秋八月復擇日遣官祭於本廟

四親廟原續文獻通考洪武已酉年改四親廟時享春以清明夏以端午秋以中元冬以冬至惟

歲除如故

祀太歲諸神原續文獻通考洪武二年定以驚蟄秋分日祀太歲諸神以清明霜降日祀嶽

瀆諸神壇據高阜南向

祭旗纛原續文獻通考旗纛藏之內府每歲仲秋祭山川遣旗手祭於山川壇內之旗纛廟霜降

日又祭於教場歲暮享太廟日又祭於承天門外

祭城隍原續文獻通考洪武已酉特勅郡邑各設無祀鬼神壇以三月清明七月十五十月初一

日祭以城隍神主之鑒察善惡

大比增續文獻通考洪武十七年頒行科舉成式凡三年大比子午卯酉年鄉試辰戌丑未年會試

民用

菑畬原易不耕穫不菑畬則利有攸往爾雅

場圃增詩九月築場圃傳春夏為圃秋冬為場箋場圃同地自物生之時耕治之以種菜茹至物盡



成熟築堅

以為場

**深衣**

**原禮**

深衣制十有二幅以應十有二月袂圓以應規曲袷如矩以應方負繩及踝以應直下齊

如權衡以應平

**庶人時薦**

**增禮**

庶人春薦韭夏薦麥秋薦黍冬薦稻韭以卯麥以魚黍以豚稻以雁

**溫清定省**

**原禮**

凡為人子之禮冬溫而夏清昏定而晨省

**冬夏贊**

**原儀**

禮士相見禮贊冬用雉夏用牝左頭奉之疏牝乾雉

**冬夏履**

**增儀**

禮履夏用葛冬皮履可也

**中山酒**

**增周禮**

天官酒正清酒注清酒今中山冬釀接夏而成者搜神記狄希中山人也能造干

日酒飲之亦干日醉

**年穀和熟**

**增左傳**

年穀和熟天贊之也鮮不五稔注少尚當歷五年多則不啻

**穠裘豐年**

**原左傳**

譬如農夫是穠是裘雖有饑饉必有豐年注穠耘壅苗為裘言耕鋤不以水

早息必有豐年之收

**闔廬**

**原左傳**

吾儕小人皆有闔廬以辟燥濕寒暑

**樂歲**

**原孟子**

樂歲終身飽增武瓘詩共賀人安豐樂歲幸陪珠履侍銀章



農察四時

**增**國語令夫農羣萃而州處察其四時權節其用耒耜枷芟及寒擊菓除田以待時

耕及耕深耕而疾耰之以待時雨時雨既至挾其槍刈耨鑄以從事於田野

皮締待乏

**原**國語賈人夏則資皮冬則資締早則資舟水則資車以待乏也

婚禮從時

**原**家語霜降而婦功成嫁娶者行焉冰泮而農桑起婚禮殺焉

飲食時

**原**家語用水火金木飲食必時**注**用水漁人

金以時采銅鐵用木斧斤以時入山林飲食各隨四時之道也

十年蓄

**增**管子懸時積歲國有十年之蓄

歲有四秋

**原**管子歲有四秋而分有四時故曰農事且作請以什伍農夫賦耜鐵此之謂春之

秋大夏且至絲纊之所作此之謂夏之秋而大秋成五穀之所會此之謂秋之秋大冬營室中女事紡績

緝縷之所作也此之謂冬之秋

穀貴賤

**增**管子時有春秋故穀有貴賤**注**春穀貴秋穀賤

寒耕暑芸

**原**管子農夫寒耕暑芸力歸於上女勤於緝績徽織功歸於府

秋糴春糶

**增**管子秋糴以五春糶以束**注**謂富者秋時以五糴之至春出糶便收其束矣束十

也



作衣服增墨子古之人未知衣服之制故聖人作之冬則絹帛輕且溫夏則絺綌清且涼所以適

身體和肌膚也

菱芰橡栗增列子柱厲叔事呂敖公自為不知已去居海上夏日則食菱芰冬日則食橡栗

八穀增吳越春秋春種八穀夏長而養秋成而聚冬蓄而藏

善卷逍遙增莊子善卷曰予立身於宇宙之中冬日衣皮毛夏日衣葛絺春耕種形足以勞動

秋收斂身足以休食日出而作日入而息逍遙於天地之間而心意自得

歲更刀增莊子良庖歲更刀割也

春蘭秋鞠原楚辭春蘭兮秋鞠長無絕兮終古注春祀以蘭秋祀以鞠

突夏寒室原楚辭冬有突夏夏室寒些注言隆冬凍寒則有大屋複突溫室盛夏暑熱則有洞

達陰堂其內寒涼也

美禾麥原呂氏春秋今茲美禾來茲美麥注茲年也

採材竹增史記孫叔敖傳孫叔敖為楚相秋冬勸民山採春夏以水注乘多水時而出材竹

種穀樹木原史記貨殖傳諺曰百里不販樵千里不販糴居之一歲種之以穀十歲樹之以木

百歲來之以德德者人物之謂也



一歲千釀

增漢書食貨志通邑大都酤一歲千釀注千甕以釀酒

千石魚陂

增漢書食貨志水居千石魚陂注言有大陂養魚一歲收魚千石魚以斤兩為計

踐鵝

增漢書食貨志踐鵝注踐鵝謂芋也

農夫寒暑

原漢書貢禹傳農夫父子暴露中野不避寒暑粹莫耜土手足胼胝

蝟蠶

增淮南子蝟蠶一歲再登非不利也然而王法禁之者為其殘桑也

魚椒祭

增鹽鐵論古者有魚椒之祭春秋祀其祖祠

田家伏臘

原楊惲報孫會宗書田家作苦歲時伏臘烹羊炮羔斗酒自勞

春生秋熟

原春秋說題辭菽者屬也春生秋熟理通體屬也

嘉穀

原說文禾嘉穀也以二月而種八月始熟得時之中故謂之禾

耕在趣時

增汜勝之書耕之本在於趣時和土務糞澤早鋤獲春凍解地氣始通土一和解夏至天氣始暑陰氣始盛土復解夏至後九十日晝夜分天地氣和以此時耕田一而當五名曰膏澤皆得

功時

脂田脯田

增汜勝之書秋無雨而耕絕土氣土堅塔名曰脂田及盛冬耕泄陰氣土枯燥名曰

脯田脯田與脂田皆傷田二歲不起稼則一歲休之

令

一歲令上

民用

三



**愛田**增 汜勝之書凡愛田常以五月耕六月再耕七月耕一當再若七月耕五不當一

**槩禾**增 汜勝之書植禾夏至後八十九日常夜半候之天有霜若白露下以平明時令兩人持長索相對各持一頭以槩禾中去霜露日出乃止如此禾稼五穀不傷矣

**九穀忌**增 汜勝之書小豆忌卯稻麻忌辰禾忌丙黍申卯凡九穀有忌日種之不避其忌則多傷敗

**畝收十石**增 汜勝之書冬雨雪止輒以藺之掩地雪勿使從風飛去後雪復藺之則立春保澤

凍蟲死來年宜稼得時之和適地之宜田雖薄惡畝可收十石

**種桑**增 汜勝之書種桑法五月取椹著水中即以手漬之以水灌洗取子陰乾治肥田十畝荒田久不耕者尤善好耕治之每畝以黍椹子各三升合種之黍桑當俱生鋤之桑令稀疎調適黍熟獲之桑生正與黍高平因以利鎌摩地刈之曝令燥後有風調放火燒之常逆風起火桑至春生一畝食三箔蠶

**伐竹木**增 四民月令自正月以終季夏不可伐木必生蠹蟲或曰其月無壬子日以上旬伐之雖春夏不蠹猶有剖析開解之害又犯時令非急無伐十一月伐竹木

**五時食禽**增 月令問荅凡十二辰之禽五時所食者必家人所畜丑牛未羊戌犬酉雞亥豕而

月令輯要 卷一 歲令上 民用

三



已其餘龍虎以下非食也春木王木勝土土王四季  
四季之禽牛屬季夏犬屬季秋故未羊可以為春食  
也夏火王火勝金故酉雞可以為夏食也季夏土王  
土勝水當食豕而食牛土五行之尊者牛五畜之大  
者四行之牲無足以配土德者故以牛為季夏食也  
秋金王金勝木寅虎非可食者犬豕而無角虎屬也  
故以犬為秋食也冬水王水勝火當食馬  
而禮不以馬為牲故以其類而食豕也

**當風嚮**

**增**論衡盛夏之時當風而立隆冬之月嚮日而坐其夏欲得寒而冬欲得溫也

**醪醴縹清**

**增**曹植酒賦其味有宜城醪醴蒼梧縹清或秋藏冬發或春溫夏成

**溫房清室**

**增**曹植七啓溫房則冬服絺綌清室則中夏含霜

**八蠶**

**原**吳錄南陽郡一歲蠶八績**增**交州記一歲八蠶繭出日南**永嘉記**永嘉有八輩蠶一曰蚘珍

蠶三月績二曰柘蠶四月初績三曰蚘蠶四月績四曰愛珍蠶五月績五曰愛蠶六月末績六曰寒珍蠶七月績七曰四出蠶九月初績八曰寒蠶十月績凡蠶再熟者前輩皆謂之珍**左思吳都賦**鄉貢八蠶之綿

**杏金丹**

**增**左慈祕訣杏金丹方出渾皇子服之長年不死其法須人罕到處寅月鑿劬杏樹地下

通陽氣二月除樹下草三月離樹五步作畦壟以通水亢旱則引泉灌溉有霜雪則燒火樹下以救花苞至五月杏熟自落收仁六斗以湯浸去皮及雙仁者用南流水三石和研取汁兩石八斗去滓以新鐵釜



用酥三斤以糠火及炭然釜少少磨酥至盡內汁入釜釜上安盆盆中鑽孔用弦懸車轄至釜底以紙塞孔勿令泄氣初著糠火一日三動車轄以袞其汁五日露液生十日白霜起又二日霜盡即金花起乃丹成也開盆炙乾以翎掃下棗肉和

丸梧子大每服三丸空心煖酒下

**和羹**增繆襲祭儀夏祠和羹苳以葵秋祠和羹苳以葱冬祠和羹苳以韭

**取蜂蜜**增博物志諸遠方山郡幽僻處出蜜蠟人往往以桶聚蜂每年一取

**附子**原博物志附子烏頭天雄一物也春秋冬夏採之各異增廣志奚毒附子也一年為側子二年

為烏喙三年為附子四年為烏頭五年為天雄名醫別錄冬月採為附子春月採為烏頭圖經五者並出

蜀土都是一種所產其種出於龍州冬至前將陸田耕五七遍以猪糞糞之然後布種逐月耘耘至次年八月後方成本只種附子一物至成熟後乃有四物

**錦雞羽**增張華禽經錦雞狀如鳩鵲膺前五色如孔雀羽出南詔越山中歲採捕之為衣服之飾

**冬處春遊**增張華歸田賦隨陰陽之開闔從時宜以卷舒冬與處以城邑春放遊於田廬

**相風**增拾遺記帝與娥皇汎於海上以桂枝為表結芳茅為旂刻玉為鳩置於表端言知四時之候

今之相風此遺像也

**牢九**增盧諶祭法春祠用饅頭餠餅隨餅牢九夏秋冬亦如之夏祠別用乳餅冬祠用環餅也原東



月令輯要卷一  
哲餅賦其可以通冬達夏終歲常  
施四時從用無所不宜唯牢九乎

**女酒**增南方草木狀南中有女數歲即大釀酒既漉  
候冬陂池竭時寘酒罌中密固其上瘞陂中至

春豬水滿亦不發女將嫁乃發陂取  
酒以供賀客謂之女酒其味絕美

**宿根茄**增南方草木狀交廣草木經冬不衰故蔬圃  
之中種茄宿根有三五年者漸長枝幹乃成

大樹每夏秋盛  
熟則梯樹採之

**益智子**增南方草木狀益智子如筆毫長七八分二  
月花色若蓮著實五六月熟味辛雜五味中

芬芳亦可鹽曝  
出交趾合浦

**荔枝**原南方草木狀荔枝樹高五六丈綠葉蓬蓬冬  
夏榮茂青花朱實大如雞子核黃黑似熟蓮實

白如昉甘而多汁似安石榴增舊唐書白居易傳南  
賓郡花木多奇居易在郡為木蓮荔枝圖各記其狀

曰荔枝生巴峽間形圓如帷蓋葉如桂冬青華如橘  
春榮實如丹夏熟朶如蒲萄核如枇杷殼如紅繒映

如紫銷瓢肉瑩白如冰雪漿甘酸如醴酪若離本枝  
一日而色變二日而香變三日而味變四日外色

香盡  
去矣

**楓香樹**增南方草木狀楓香樹似白楊葉圓而岐分  
有子而香其子大如鴨卵二月花發乃著實

八九月熟  
曝乾可燒



龍眼增南方草木狀龍眼高一二丈似荔枝而枝葉微小凌冬不凋春末夏初開細白花七月實熟

楊桃增臨海異物志楊桃似橄欖味甜五月十月熟增日楊桃無蹙一歲三熟其色青黃核如棗核

石南樹增南方記石南樹野生二月花仍連著實如燕卵七八月熟採取核作肥魚羹和之尤美

雲母增抱朴子雲母五色並具而多青者名雲英宜春服之五色並具而多赤者名雲珠宜夏服之

五色並具而多白者名雲液宜秋服之五色並具而多黑者名雲母宜冬服之但有青黃二色者名雲砂

宜季夏服之晶晶純白者名磷石四時可服也

石穴白魚增水經注大防嶺之東首山下有石穴東北洞開高廣四五丈入穴轉更崇深穴中

有水夏冷冬溫春秋有白魚出穴數日而返採捕食者美珍常味蓋亦丙穴嘉魚之流類也

赤白田增水經注九真太守任延始教耕犁俗化交土風行象林知耕以來六百餘年火耨耕藝

法與華同名白田種白穀七月火作十月登熟名赤田種赤穀十二月作四月登熟所謂兩熟之稻也

一歲三登增水經注便懸界有溫泉水在郴縣之西北左右有田數十畝資之以溉常以十二

月下種明年三月穀熟度此水冷不能生苗溫水所溉年可三登

梁禾增廣志梁禾蔓生實如葵子米粉白如麩可為餠粥牛食以肥六月種九月熟

熟稻候增廣志蟬鳴稻七月熟稻有蓋下白正月種五月穫穫其莖根復生九月復熟青芋稻六

月令輯要卷一歲令上民用



月熟累子稻白

漢稻七月熟

**冬春李**

**增**廣志有冬李十一月熟有春季李冬花春熟

**七百斛秫**

**原**世說孔羣好飲與親舊書今年田得七百斛秫米不了麴蘖事

**四時詩**

**原**宋書王元謨傳孝武常為元謨作四時詩日董茶供春膳粟漿充夏殮餉醬調秋菜白

醴解

冬寒

**春韭秋菘**

**原**南史周顒傳文惠太子問顒菜食何味最勝顒曰春初早韭秋末晚菘

**三品藥性**

**增**本草經上藥一百二十種為君主養命以應天中藥一百二十種為臣主養性以

應人下藥一百二十五種為佐使主治病以應地三

品合三百六十五種法三百六十五度一度應一日

以成一歲**名醫別錄**上品藥性亦能遣疾但勢力和

厚不為速攻歲月常服必獲大益病既愈矣命亦兼

申天道仁育故曰應天一百二十種謂寅卯辰巳之

月法萬物生榮時也中品藥性祛患為速延齡為緩

人懷性情故曰應人一百二十種謂午未申酉之月

法萬物成熟時也下品藥性專主攻擊不可常服疾

愈即止地體收殺故曰應地一百二十五種謂戌亥子丑之月法萬物枯藏時也

**景天**

**增**名醫別錄景天生太山川谷四月四日七月七日采陰乾**圖經本草**今南北皆有之人家種

於中庭或盆置屋上春生苗葉似馬齒莧而大作層而上莖極脆弱夏中開紅紫碎花秋後枯死亦有宿



根者苗葉  
花並可用

**人參** 增 **名醫別錄** 人參生上黨山谷及遼東二月四  
月八月上旬采根竹刀刮暴乾無令見風如人

形者有神 **原** **圖經本草** 今河東諸州及泰山皆有之  
又有新羅人參俱不及上黨者佳春生苗多於深山  
背陰近根漆下濕潤處初生小者三四寸許一椹五  
葉四五年後生兩椹五葉未有花莖至十年後生三  
椹年深者生四椹各五葉中心生一莖俗名百尺杵  
三月四月有花細小如粟蕊如絲紫白色秋後結子  
或七八枚如大豆生青熟紅自落 增 **本草綱目** 今所  
用者皆是遼參其高麗百濟新羅參猶來中國互市  
亦可收子於十月下種如種菜法  
秋冬采者堅實春夏采者虛軟

**麥門冬** 原 **名醫別錄** 麥門冬葉如韭冬夏長生生兩  
谷川谷及隄坂肥土石間久廢處二月八月

十月采根陰乾 增 **圖經本草** 葉青似莎草長及尺餘  
四季不凋根黃白色有鬚在根如連珠形四月開淡  
紅花實碧而圓 **山家清供** 麥門冬煎春秋采根去心  
搗汁和蜜以銀器湯煮如飴貯之磁器溫酒化服

**白英** 增 **名醫別錄** 白英生益州山谷  
春采葉夏采莖秋采花冬采根

**澤瀉** 增 **名醫別錄** 澤瀉生汝南池澤五月采葉八月  
采根九月采實陰乾 **圖經本草** 春生苗多在淺

水中葉似牛舌獨莖而長秋時開白花作叢似穀精  
草秋末采根暴乾 **典術** 澤瀉久服令人身輕日行五  
百里走  
水上

一歲令上 民用



**開墾**

**原**齊民要術凡開荒山澤田皆七月芟艾之草乾即放火至春而開墾其林木大者剷殺之葉

死不扇便任耕種三歲後根枯莖朽以火燒之耕荒畢以鐵齒鋤耨再徧耙之漫擲黍稷勞亦再徧明年

乃中為穀田

**注**勞摩田器

**耕有淺深**

**增**齊民要術凡秋耕欲深春夏欲淺犁欲

不熟轉不淺動生土也

**燥濕得所**

**增**齊民要術凡耕高下田不問春秋必須燥濕得所為佳若水旱不調寧燥不濕

**旱稻**

**增**齊民要術旱稻用下田白土勝黑土下田停水處燥則堅塔濕則汙泥不問秋夏候水盡地

白背時速耕耙勞頻煩令熟二月半種為上時三月為中時四月初及半為下時

**水稻**

**增**齊民要術稻無所緣唯歲易為良選地欲近上流地無良薄水清則稻美

**大小麥**

**增**齊民要術大小麥皆須五六月六月曠地穡麥非良地則不須種八月中戊社前種者為

上時下戊前為中時八月末九月初為下時小麥宜下種八月上戊社前為上時中戊前為中時下戊前

為下時正月二月勞而鋤之三月四月鋒而更鋤

**美田**

**原**齊民要術凡美田之法綠豆為上小豆胡麻次之悉皆五六月中穡種七月八月犁耨殺之

為春穀田則畝收十石其美與蠶矢熟糞同**注**穡漫掩也



**種禾時**

**增**齊民要術二月三月種者為植禾四月五

為上時三月上旬及清明節桃始花為中時四月上  
旬及棗葉生桑花落為下時歲道宜晚者五月六月  
初亦得春種欲深宜曳重撻夏種  
欲淺直置自生菩音倍又音勃

**來年穀資**

**增**齊民要術凡人家營田每年一易  
必須頻種其雜田地即是來年穀資

**種葵**

**原**齊民要術種冬葵法九月收菜後即耕至十  
月半令得三遍每耕即勞十月末地將凍漫散

子散訖再勞每雪輒一勞之無雪臘月中汲井水普  
勞正月地澤驅踏破地皮春暖葵生三月初葉大如  
錢自四月八日以後剪賣比及剪遍周而復始日日  
無窮至八月社日止留作秋菜九月指地賣收訖即

急耕悉

依前法

**樹李**

**增**齊民要術李性耐久樹得  
三十年老雖枝枯子亦不細

**種粟**

**增**齊民要術粟種而不栽初熟出殼即裹埋著  
濕土中至春三月悉芽生出而種之既生數年

不用掌近三年內每到十  
月常須草裹至二月乃解

**甘藷**

**增**齊民要術甘藷二月種至十月乃成卵大如  
鵝卵小者如鴨卵掘食蒸食其味甘甜經久得

風乃  
淡泊

**柳椀**

**增**齊民要術柳二月花色仍連著實房相連累  
房三十或二十七八子十一月十二月熟其樹



黃實俗名爲丹  
柳破之可作椀

**豆蔻**增齊民要術豆蔻樹大如李二月花色仍連著實子相連累其核根芬芳成殼七月八月熟曝

乾剝食核味  
辛香五味

**橄欖**增齊民要術橄欖子大如棗二月花八九月熟生食味酢蜜藏乃甜

**留羊種**增齊民要術養羊常留臘月正月生羔爲種者上十一月二月生者次之非此月數生者

毛必焦卷骨髓細小所以然者是逢寒逢熱故也其八九十月生者雖值秋熱比至冬暮母乳已竭春草未吐是故不佳其三四月生者雖茂美而羔小未食常飲熱乳所以亦惡六七月生者兩熱相仍中之甚

其十一月及二月生者母既合重膚軀充儲草雖枯亦不羸瘦母乳適盡卽得春草是以亦佳也

**飼羊**增齊民要術羊一千口者三四月中種大豆一項雜穀并草留之不須鋤治八九月中刈作青

芟若不種豆穀者初草實成時收刈雜草薄鋪使乾勿令鬱沍既至冬寒多饒風霜或春初雨落春草未生時則須飼不宜出放又春夏早放秋冬晚出注春夏氣軟所以宜早秋冬霜露所以宜晚

**作醬**增齊民要術作醬法十二月正月爲上時二月爲中時三月爲下時

**作酢**增齊民要術粟米麴作酢法七月二月向末爲上時八月四月亦得作大率笨麴末一斗井花

水一石粟米飯一石明旦作酢今夜炊飯薄攤使冷日未出前汲井花水斗量著甕中量飯著盆中然後



瀉飯著甕中瀉時直傾之勿以手撥飯水量麴末為著飯上慎勿撓攪勿移動綿幕甕口三七日熟美醲

少澱

**作鼓**

**增**齊民要術作鼓法先作煖陰屋坎地深三二尺屋必以草蓋開小戶僅得容人出入厚作藁

籬以閉戶四月五月為上時七月二七日後八月為中時餘月亦得作然冬夏大寒大熱極難調適大都

在四時交會之際節氣未定亦難得所

常以四孟月十日後作者易成而好

魚鮓

**增**齊民要術作魚鮓法尤宜春夏春秋一月夏二十日便熟

**五味脯**

**增**齊民要術作五味脯法正月二月九月十月為佳臘月中作條者堪度夏

**梁米酒**

**增**齊民要術梁米酒春秋冬夏四時皆得作

時麴皆細剉冬則擣末下絹篴大率一石米用水三

斗春秋桑落三時冷水浸麴發漉去滓冬即蒸甕

使熱穠茹之以所量水煮少許梁米薄粥攤待温温

以浸麴一宿麴發便炊下釀不去滓看釀多少皆平

分米作三分一分一炊淨淘弱炊為再留攤令温便

下以杷攪之盆合泥封夏一宿春秋再宿冬三宿看

米好消更炊酸之還泥封第三酸亦如之三酸

**神麴酒**

**增**齊民要術神麴酒方淨掃刷麴令淨有土

處刀削去必使極淨及斧背椎破大小如棗

月令輯要

卷一歲令上

民用

重



栗斧刀則殺小用故紙糊席曝之夜乃勿收令受霜  
露風陰則收之春秋二時釀者皆得過夏熱桑落時  
作者勝  
于春

**清麴**增齊民要術清麴法春十一日或十五日秋十  
五日或二十日所以爾者寒煖有早晚故也但

候麴香沫起便下釀過久麴生衣則為失候失候則  
酒重鈍不復輕香米必細舂淨淘三十許遍若淘米

不淨則酒色重濁大率麴一斗春用水八  
斗秋用水七斗秋殺米三石春殺米四石

**飼雞雛**增齊民要術雞春夏雛二十  
日內無令出窠飼以燥飯

**羊毛氈**增齊民要術養羊作氈法春毛秋毛中半和  
用秋毛緊強春毛軟弱獨用太偏是以須雜

三月桃花水氈第一凡作氈不須厚大惟緊薄均調  
乃為佳耳二年敷卧小覺垢以九月十月賣作鞞氈  
明年四五月出氈時更買  
新者此為長存不穿敗

**四熟稻**增舊唐書天竺國即漢之身毒  
國厥土卑濕暑熱稻歲四熟

**再熟稻**增舊唐書婆利國在林邑東南海中洲上風  
氣暑熱恒如中國之盛夏穀一歲再熟左思

吳都賦國稅  
再熟之稻

**茶園歲租**增唐書陸龜蒙傳嗜茶置園顧渚山下歲  
取租茶自判品第張又新為水說七種其

二惠山泉三虎丘井六松江  
人助其好者雖百里為致之

古今事要 卷一 一歲令上 民用



奢儉歲用

**增**化書奢者三歲之計一歲之用儉者一歲之計三歲之用

柀祇

**增**

西陽雜俎柀祇出拂林國苗長三四尺根大

出紅白色花心黃赤不結子其草冬生夏死與薺麥相類取其花壓以為油塗身除風氣

婆那婆樹

**增**

西陽雜俎婆那婆樹出波斯國亦出拂

凋無花結實其實從樹莖出大如冬瓜有殼裏之殼上有刺瓢至甘甜可食核大如棗一實有數百枚核

中仁如栗黃炒食甚美

安息香

**原**

西陽雜俎安息香樹出波斯國長三丈皮色黃黑葉有四角經寒不凋二月開花黃色

花心微碧不結實刻其樹皮其膠如飴名安息香六七月堅凝乃取之燒通神明辟衆惡

野悉蜜

**增**

西陽雜俎野悉蜜出拂林國亦出波斯國

白色不結子花若開時遍野皆香西域人常採其花壓以為油甚香滑

翻齊香

**增**

西陽雜俎翻齊香出波斯國皮色青薄而

實西域人常八月伐之至冬更抽新條極滋茂若不剪除反枯死七月斷其枝有黃汁其狀如蜜微有香氣入藥

療百病

蒙嶺茶

**增**

圖經蜀雅州蒙嶺產茶最佳其采常在春夏之交方茶生常有雲霧覆其上若有神物



護持

云

**瀉酥**

**增**

元和志祁連山在張掖酒泉二界上美水茂草山中冬溫夏涼宜牛羊乳酪濃好夏瀉酥不

用器物置於草上不解散作酥特好一斛酪得斗餘酥

**波稜**

**增**

本草綱目波稜八月九月種者可備冬食正月二月種者可備春蔬

**胡蘿蔔**

**增**

本草綱目胡蘿蔔八月下種冬月掘根生熟皆可啖

**山楂**

**增**

本草綱目山楂有二種皆生山中一種小者人呼為棠杔子樹高數尺葉有五尖極間有刺

三月開五出小白花實有赤黃二色肥者如小林檜小者如指頭九月乃熟小兒采而賣之閩人取熟者

去皮核搗和糖蜜作為檀糕以充果物

**白苣**

**增**

本草綱目白苣似萵苣而葉色白折之有白汁正月二月下種四月開黃花結子八月十月

種可再

**酒糟**

**增**

本草綱目酒糟須用臘月及清明重陽造者瀝乾入少鹽收之藏物不敗揉物能軟若榨乾

者無味矣

**沉水香**

**增**

唐本草注沉水香葉似橘經冬不凋夏生花白而圓細秋結實如檳榔色紫似甚而味

辛療風水毒腫去惡氣

月令

卷一

歲令上

民用

重



威靈仙

**增**唐本草威靈仙九月末至十二月采根陰乾餘月並不堪采

年深轉茂一根叢鬚數百條長者二尺許初時黃黑色乾則深黑色俗稱鐵腳威靈仙

豨薟丸

**原**圖經本草蜀人單服豨薟法五月五日六月六日九月九日采葉去根莖花實淨洗暴

乾入甑中層層灑酒與蜜蒸之又暴如此九過則氣味極香美熬搗篩末蜜丸服之甚益元氣治肝腎風氣四肢麻痺骨間冷腰膝無力者

千歲蘘

**增**圖經本草千歲蘘藤生蔓延木上四月摘其莖汁白而味甘五月開花七月結實八月

采子冬惟凋葉春夏取其汁川

清風藤

**增**圖經本草清風藤生台州天台山中其苗蔓延木上四時常青土人采莖用

金櫻子

**增**圖經本草金櫻子生郊野中大類薔薇有刺四月開白花夏秋結實亦有刺黃赤色形似小石榴十一月十二月采

**原**草衍義九月十月霜熟時採用

枳木

**原**圖經本草枳木如橘而小高五七尺葉如橙多刺春生白花至秋成實七月八月采者為實

九月十月采者為殼

麥具四時氣

**原**圖經本草大小麥秋種冬長春秀夏實具四時中和之氣故為五穀之貴地

暖處亦可春種至夏便收然比秋種者四氣不足故有毒



田麻

**增**圖經本草田麻生信州田野及溝澗旁春夏生青葉八月中生小莢冬月采葉治癰癤諸毒

救窮草

**原**圖經本草黃精別錄名救窮草三月生苗本黃末赤四月開青白花結子如白黍粒亦

有無子者根如嫩生薑而黃色二月采根蒸過暴乾用今遇八月采山中人九蒸九暴作果賣黃黑色而

甚甘

天門冬

**增**圖經本草天門冬春生藤蔓大如釵股高至丈餘葉如荀香夏生白花亦有黃色者秋

結黑子在其根枝旁其根白或黃紫色二月三月七月八月采根四破之去心先蒸半炊間暴乾停留久

仍濕潤入藥時重炕焙令燥

何首烏

**增**圖經本草何首烏春採根秋採花九蒸九曝乃可服此藥本名交藤因何首烏服而得

名也何首烏有雌雄根遠不過三尺夜則苗蔓相交或隱化不見春末夏中秋初三時候晴明時採之有

赤白二種赤者雄白者雌五十年者如拳大號山奴服之一一年髮髭青黑一十年者如盃大號山哥服之

一年顏色紅悅一百五十年者如盆大號山伯服之一年齒落更生二百年者如斗栲栳大號山翁服之

一年顏如童子行及奔馬三百年者如三斗栲栳大號山精純陽之體久服之則成地仙也

檳榔

**增**本草綱目檳榔樹旁無枝柯條從心生端頂有葉三月葉中腫起一房因自坼裂出穗凡數

百顆又生刺重累於下以護衛其實五月成熟剝去其皮煮肉乾之皮皆筋絲與大腹皮同也**原**異物志

月令輯要卷一歲令上民用



檳榔實硬如乾棗以扶留古賁灰并食  
下氣及宿食白蟲消穀飲啖設為口實

**桃實異名**

**增**本草綱目桃品甚多易於栽種且早結  
實五年宜以刀剗其皮出其脂液則多延

數年其實有紅桃緋桃碧桃細桃白桃烏桃金桃銀  
桃胭脂桃皆以色名者也有綿桃油桃御桃方桃匾  
桃偏核桃皆以形名者也有五月早桃十月  
冬桃秋桃露桃皆以時名者也並可供食

**水粟**

**增**本草綱目水粟三月出水莖大如指葉似荇  
葉而大徑四五寸初生如荷葉六七月開黃花

結實狀如角黍長二寸許內有細子一包如罌粟澤  
農採之洗擦去皮蒸曝舂取米作粥飯食之其根大  
如栗亦如雞頭子根儉年人亦食之作藕香  
味如栗子三四月採莖取汁煮硫黃能拒火

**大小蒜**

**增**本草綱目大小二蒜皆八月種春  
食苗夏初食薑五月食根秋月收種

**胡葱**

**增**本草綱目胡葱八月下種五月收取葉似葱  
而根似蒜其味如薤不甚臭**食療本草**胡葱生

蜀郡山谷狀似大蒜而小形  
圓皮赤稍長而銳五六月採

**薤**

**增**本草綱目薤八月栽根正月分蔣宜肥壤數枝  
一本則茂而根大葉狀如韭氣亦如葱二月開細

花紫白色根如小蒜一本數顆相依而生五月葉青  
則掘之否則肉不滿也**食療本草**薤發熱病不宜多  
食三四月

勿食生者

**芹**

**增**本草綱目芹二月生苗其葉對節而生莖有節  
稜而中空其氣芬芳五月間開細花楚人採以濟

月令輯要卷一歲令上民用



饑其利

不小

**蒿苳**

**增**本草綱目蒿苳正二月下種最宜肥地葉折

味如胡瓜江東人鹽晒壓實以備方物謂之蒿筍也

**胡荽**

**增**本草綱目胡荽八月下種晦日尤良初生柔

食道家五葷之一立夏後開細花成簇如芹菜花淡紫色五月收子子如大麻子亦辛香

**薺**

**增**本草綱目薺有大小數種並以冬至後生苗二

月起莖開細白花結莢如小萍莢內細子名薺**增**本草綱目薺並三月撒種六月以後不堪食老則抽莖如人長開細花成穗穗中細子九月收之

**壺盧**

**增**本草綱目壺盧名狀不一並以正二月下種

開白花結實白色瓢中之子齒列而長謂之瓠犀

**生薑**

**增**本草綱目薑宜原隰沙地四月取母薑種之

五月生苗如初生嫩蘆而葉稍潤似竹葉對生葉亦辛香秋社前後新芽頓長如列指狀採食無筋謂之子薑秋分後者次之霜降則老矣

**薑薹**

**增**本草綱目薑薹今油菜也九月十月下種生

葉形色微似白菜冬春採薑心為茹三月則老不可食開小黃花四瓣如芥花結莢收子亦

**菘**

**增**本草綱目菘即今呼為白菜者南方之菘畦內

過冬北方多入窖內圃人以馬糞壅培長出苗皆



嫩黃色脆美無滓謂之黃芽菜子如葶子八月以後種之二月開黃花三月結角如芥

**芥** **增**本草綱目芥有數種皆以八九月下種冬月食者俗呼臘菜春月食者俗呼春菜四月食者謂之

夏芥其花三月開黃色四出結莢一二寸子大如蘇子

**蕪菁** **增**本草綱目蕪菁四時常有春食苗夏食心秋食莖冬食根河朔多種以備饑歲又蔓菁六月

種者根大而葉蠹八月種者葉美而根小惟七月初種者根葉俱良

**雄鷄腊** **增**本草綱目雄鷄冬至作腊立春食之辟疫

**乳香** **增**本草綱目乳香臘月二十四日五更取初汲水浸至元旦五更時人嚼一塊飲水三呷一年

無疫

**斫合子** **增**本草綱目斫合子六七月開小長花如鈴狀紫白色結實長二三寸一頭尖其殼青軟

中有白絨及漿霜後枯裂則子飛其子輕薄商人取其絨作坐褥代綿云甚輕暖

**逡巡酒** **增**本草綱目逡巡酒補虛益氣去一切風痺濕氣久服益壽耐老好顏色造法三月三日

收桃花三兩三錢五月五日收馬蘭花五兩五錢六月六日收脂麻花六兩六錢九月九日收黃甘菊花

九兩九錢陰乾十二月八日取臘水三斗待春分取桃仁四十九枚好者去皮尖白麩十斤同前花和作

麩紙包四十九日日用時白水一瓶麩一丸麩一塊封良久成矣如淡再加一丸



順時養和

**增**

本草綱目經云必先歲氣毋伐天和又

春月宜加辛溫之藥以順春升之氣夏月宜加辛熱之藥以順夏浮之氣長夏宜加甘苦辛溫之藥以順化成之氣秋月宜加酸溫之藥以順秋降之氣冬月宜加苦寒之藥以順冬沉之氣所謂順時氣而養天和也又云春省酸增甘以養脾氣夏省苦增辛以養肺氣長夏省甘增鹹以養腎氣秋省辛增酸以養肝氣冬省鹹增苦以養心氣此則既不伐天和而又防其大過所以體天地之大德也

粳稻三收

**增**

本草綱目粳稻六七月收者為早粳八月九月收者為遲粳十月收者為晚粳

紅花

**原**

本草紅藍花即紅花也冬月布子於熟地春苗夏花出椽上乘露採之其花暴乾以染真紅

又作  
胭脂

天花粉

**增**

救荒本草修治天花粉秋冬採括樓根去皮寸切水浸逐日換水四五日取出搗泥以

絹衣濾汁澄粉晒乾用

榴花變髮

**增**

本草拾遺榴花陰乾為末和鐵丹服一年變白髮如漆

馬勃

**增**

本草衍義馬勃生濕地及腐木上夏秋采之有大如斗者小亦如升杓韓退之所謂牛溲馬

勃俱收並畜者是

苦菜

**增**

蜀本草苦菜春花夏實至秋復生花而不實經冬不凋也



**蕉子**

**增**海槎錄海南芭蕉常年開花結實有二種板

**衡志**

南中芭蕉極大者凌冬不凋中抽一條長數尺

節節有花花褪葉根有實去皮取肉軟爛如綠柿味

極甘冷四季恆實土人以飼

小兒云去客熱謂之蕉子

**盧橘**

**增**花木志蜀有給客橙一名盧橘似橘而非若

**通歲**

**食之**

**柳有八德**

**原**著微編柳有八德一不擇地而生二易

可取六堅韌可制七穗葉可療治八

歲可刈條枝以薪蓋梓材之良器也

**光華顏色**

**增**聖濟總錄三月三日收桃花七月七日

**顏色**

**也**

**餐菊**

**增**玉函方三月上寅采菊苗名玉英六月上寅

寅采根莖名長生收四味為末用成日煉蜜丸如桐

子大每服一錢一日三服百日身輕潤澤一年髮白

再黑二年齒落更生三年返老還童偶

談種菊春食苗夏食葉秋食華冬食根

**補肺丸**

**增**傳信方補肺丸治咳嗽用杏仁二大升山

中者不用去雙仁者以童子小便二斗浸之

春夏七日秋冬二七日連皮尖於砂盆中研濾取汁

煮令魚眼沸候軟如麪糊即成以粗布攤曝之可丸

月令輯要

卷一

歲令上

民用

三



即丸服之食前後總須服三五十九丸茶酒任下忌白水粥

### 女貞丸

**增**簡便方

女貞實十月上巳日收陰乾用時以酒浸一日蒸透晒乾一斤四兩旱蓮草五

月收陰乾十兩為末桑椹子五月收陰乾十兩為末煉蜜丸如梧子大每服七八十丸淡鹽湯下久服髮白再黑返老還童

### 麋角丸

**增**千金方

麋角丸服經一月腹內諸疾自相驅逐服至二百日面皺光澤一年齒落更生

強記身輕若風日行數百里二年令人肥飽少食七十已上服之却成後生三年腸作筋體預見未明四下服之不輟顏一定而不變

### 楮桃

**增**集簡方

喉痺喉風五月五日或六月六日七月七日采楮桃陰乾每用一箇為末井花水服

之重者以兩箇

### 柘木洗目

**增**海上方

洗目令明柘木煎湯按日溫洗自寅至亥乃止無不効者正月初二二月

初三三月不洗四月初五五月十五六月十一七月初七八月初二九月初二十月十九十一月不洗十

二月十四

### 桑葉洗目

**原**普濟方

青盲洗法新斫青桑葉逐月按日就地上燒存性每以一合於甕器內煎

減二分傾出澄清溫熱洗目至百度屢試有驗正月初八二月初八三月初六四月初四五月初六六月



月令輯要卷一  
初二七月初七八月二十九月十二  
十月十三十一月初二十二月三十

**銀杏葉洗眼方**

**原**廣濟方五月五日取銀杏葉陰乾  
用無根水一碗煎滾將葉十餘片先

放碗底次泡之待澄清坐定洗一日至一年如童眼  
正月初八二月初十三月初五四月初一五月初五  
六月初七七月初八八月初五九月初十十月初十  
十一月初十二月初二十一日閏月照前月清明日  
亦洗凡洗之日  
忌油膩錫漆器

**海藻酒**

**增**東陽方海藻酒治癭氣用海藻一斤絹袋  
盛之以清酒二升浸之春夏二日秋冬三日

每服兩合日三酒盡再作其滓曝乾為  
末每服方寸七日三服不過兩劑即瘥

**止疫氣**

**原**簡易方疫氣時行用貫眾置水缸內食水  
不染五月五日十二月除夕俱浸一度令合

家大小盡食其水如  
遇患時再常置之

**解胎毒**

**增**經驗方七八月或三伏日或中秋日剪壺  
盧鬚如環子脚者陰乾於除夜煎湯浴小兒

則可免  
出痘

**玉漿**

**增**三洞要錄神仙消金玉漿法於冬至日以胡  
盧盛葱汁及根埋庭中次年夏至發出盡化為

水以法漬金玉銀青石各三分自消矣  
暴乾如飴食之可休糧亦日金漿也

**積麥**

**增**清異錄積麥以十辛良下子不得過三  
辛收潑不得過三辛上場人倉亦用辛日



佛豆

**增**益部方物記佛豆粒大而堅唯圃中蒔以為利以鹽漬食之小兒所嗜秋種春斂農不常時

天仙果

**增**益部方物記天仙果樹高八九尺無花其葉似荔枝而小子如櫻桃纍纍綴枝間六七

月熟味至甘

慈竹

**原**益部方物記慈竹性叢產根不外引其間密不容筍生秋夏閱歲枝葉乃茂別有數種節

間容八九寸者曰籠竹一尺者曰苦竹強梢垂地者曰釣絲竹或取節修膚緻者用為簞笠

貴池魚

**增**輿地志貴池之源出於秀山山穴產魚似鯢二月出遊八月復入昭明太子食而美之

封曰貴池蓋池因魚得名縣復因池得名也

玉芝

**原**黃庭堅詩注子瞻詩所記胡道士玉芝一名瓊田草者俗號其葉為唐婆鏡葉底開花故號

羞天花其實本草之鬼白也歲生一曰如黃精而堅瘦滿十二歲可為藥取一白煮麪如餛飩皮裹一白

吞之數日不饑啗三日可辟穀也

蓴菜

**原**詩疏廣要蓴自三月至八月莖細如釵股黃赤色短長隨水淺深名為絲蓴九月十月漸麤

硬十一月萌在泥中麤短名塊蓴味苦澀取以為羹猶勝雜菜吳人嗜蓴菜鱸魚蓋魚之美者復因水菜

以芼之兩物相宜獨為珍味**增**偃曝談餘吾鄉泖湖金澤寺傍多蓴其名隨時各異四月曰雉尾蓴七八

月以前曰絲蓴秋末冬初曰塊蓴冬為猪蓴又曰龜蓴



采蠶

**增**

詩疏廣要蠶今藥草貝母也圖經云根有瓣

隨苗出七月開花碧綠色形如鼓子花八月採根曬乾又云四月蒜熟時採之良

青蒿

**增**

詩疏廣要青蒿葉似茵陳蒿而背不白春生

四五尺秋後高細淡黃花

四桐

**增**

詩疏廣要桐有四種白桐可斲琴者葉三枚

子花成筒子子作桐油梧桐四月開淡黃小花一如棗花枝頭出絲墮地成油濡漬衣履五六月結子今人取炒為果此是月令清明之日桐始華者岡桐無花不中作琴體重

楮樹

**增**

詩疏廣要楮有二種一種皮有斑花文謂之

而有子者為佳其實初夏生如彈丸青綠色至六七月漸深紅色乃成熟八月九月採

高昌寒暑

**原**

涼州異物志高昌僻土有異于華寒

白蠟

**增**

癸辛雜識江浙之地舊無白蠟有道人自淮

黃草布作小囊貯蟲子十餘枚遍挂之樹間至五月

則每一子中出蟲數百細若蠛蠓遺白糞于枝梗間

此即白蠟至八月中始剝而取之用沸湯煎之即成蠟矣又遺子于樹枝間初甚細至來春則漸大二三

前法散育之

一歲令上 民用



**百合麩**

**增**山家清供百合麩春秋仲月采根暴乾搗篩和麩作湯餅最益氣血又蒸熟可以佐酒

**蟠桃飯**

**增**山家清供蟠桃飯采山桃用米泔煮熟漉置水中去核候飯湧同煮頃之如合飯法東

坡用石曼卿海州事詩云戲將桃核裹紅泥石間散擲如風雨坐令空山作錦繡倚天照海花無數此種

桃法也桃三李四能依此法越三年皆可飯矣

此法越三年皆可飯矣

**菖蒲**

**增**學圃雜疏菖蒲以九節為寶以虎鬚為美江西種為貴本性極愛陰清明後剪之冬則以鋼

覆之不惟明目

兼助幽人之致

**四季竹**

**原**羣芳譜四季竹節長而圓中管籥生山石者其音清亮

**潛蟹法**

**增**蟹譜凡潛蟹用茱萸一粒置屨中經歲不沙

**耕候遲早**

**原**農說農家者有云冬耕宜早春耕宜遲云早其在冬至之前云遲其在春分之後

冬至前者地中陽氣未生也春分後者陽氣半于土之上下也其意皆在陽榮陰衛欲使微陽之氣不洩

求其壯盛而已

**枸杞**

**原**野菜譜春夏采嫩頭熟食秋采實即枸杞子冬采根即地骨皮

**增**枕中記西河女子服枸杞法正月上寅采根二月上卯治服之三月辰采莖

四月上巳治服之五月上午采其葉六月上未治服

之七月上申采花八月酉治服之九月上戌采子

十月亥治服之十一月上子采根十二月上丑治



服之

**麝香**

**增**

香譜麝形似麀常食柏葉及噉蛇或于五月

得者往往有蛇皮骨多以一子真香分揉作三四子以在裏中者為勝或有夏食蛇蟲多至寒香滿入春患急痛自以脚剔出者此香絕勝帶麝非但辟惡以香真者一子著腦間

枕之辟惡夢及尸蛀鬼氣

**避風**

**增**

緯畧養性經曰治身之道春避青風夏避赤

風秋避白風冬避黑風孫思邈論衛生以為人當避暗風箭風者蓋此之謂也

**淡竹葉**

**增**

陶朱公書淡竹葉三四月生苗紫莖竹葉花如蛾形兩葉如翅碧翠可愛畫工采其花

取汁作畫

**茨菰**

**增**

陶朱公書茨菰三月間種淺水中來年正二月采食味甘而微帶苦莖葉搗爛可傳諸惡瘡

**合四氣**

**增**

保生要錄春時暑月欲得晚眠早起秋欲

早眠早起冬欲早眠晏起早不宜在雞鳴前晚不宜在日旰後熱時欲舒暢寒月欲收密此合四氣之宜保身益壽之道也

**助王氣**

**增**

保生要錄天有五行人有五食有五味四

時無多食所制之味宜食相生之味以助王

**衣服隨時**

**增**

保生要錄衣服厚薄隨時合度暑月不可全薄寒時不可極厚盛熱必著單卧服

月令輯要

卷一

歲令上

民用

夏



或腹脛已上覆被冬月綿衣莫甚厚寒欲漸著熱欲漸脫衣為汗濕即時易之薰衣火氣未歇不可便著寒暑均平形神恬靜則疾疾不生壽年自永

**東西其首**增保生要錄盛暑不可露卧自立春後至立秋前欲東其首立秋後至立冬前欲西

其首常枕藥枕其藥唯理風平涼者為宜

**馬蹄草**增保生餘錄一切癰疽及瘡癤用杏絲菜或根馬蹄草莖或子各取半碗同苧麻根五寸

去皮以石器搗爛傅毒四圍春夏秋日換四五次冬換二三次換時以薺水洗之甚效又馬蹄草即蓴菜春夏用莖冬月用子就于根側尋取搗爛傅之未成即消已成即毒散用菜亦可

**散棉成布**增鄭氏家範諸婦每歲公堂於九月散木棉使成布疋限以次年八月交收以給一

歲之用

**設湯茗**增鄭氏家範遇隆暑於通衢設湯茗以濟渴者自六月朔起至八月朔止

**興作福地**原感遇子午年五月戌酉十一月卯辰吉丑未年六月戌亥十二月辰巳吉寅申年

七月亥子正月巳午吉卯酉年八月子丑二月午未吉辰戌年九月申未三月寅丑吉巳亥年十月申酉四月寅卯吉蓋取方位年月日時即為興作福地

**天罡日**原感遇正巳二子三未四寅七亥八午五酉六辰十一月卯九月丑十二月戌十月申

一歲令上民用



母倉日

**原**感遇春亥子夏寅卯秋辰戌丑未冬申酉土王後巳午日百事吉

殺鬼丹

**原**雲笈七籤五月併十二月晦日及正月間常宜焚殺鬼丹以祛百邪鬼箭蜈蚣野葛雄

黃雌黃硃砂藜蘆鬼比目桃仁烏頭附子半夏石菖蒲硫黃巴豆鬼白白木蒼朮花椒右等分量加麝香

共二十味為末以茵草汁或糊為丸如桃核大曬乾藏淨器每焚一丸

四時服氣

**增**雲笈七籤凡服氣皆取子後午前春氣行於經絡夏氣行於肌肉秋氣行於皮

膚冬氣行於骨髓

月令輯要卷一





